

DISPUTATIO INAUGURALIS
MEDICA

DE

HÆMORRHOI-
DIBUS,

Quam

Divina Favente Gratia

DECRETO ET AUCTORITATE
MAGNIFICI ET GRATIOSIS-
SIMI FACULTATIS MEDICÆ
COLLEGII

*In Celeberrima Argentoratensium
Universitate*

Pro

Summis in Arte Medica Honoribus
& Privilegiis Doctoralibus ritè
consequendis,

SOLENNI AC PLACIDO ERUDITORUM
Examine submittit

JOHANNES HECKHELER,
Argentinenfis.

Ad diem 4. ii. Mensis Junii. M. DC. XCIII.

ARGENTORATI.
Literis JOHANNIS WELPERI.

A. Kelsch.



THESIS I.



Isputaturi de Hæmorrhoidibus NOMINIS rationem non insuper habendam esse putamus ; & licet Nomenclatura neminem unquam servaverit, *Principium tamen doctrina nominum disquisitio est : Et qui nominum gnarus factus, gnarus etiam sit rerum.* Quod itaq; Ἑτυμολογίαν spectat, vox Ἀιμορροΐς, origine Græca, sed quæ postea etiam in Civitatem latinam recepta est, deducitur παρὰ τῆς αἵματος à sanguine, καὶ ῥέω fluo, seu à verbo αἱμορροέω, ὦ, sanguinem effundo vel sanguinis profluvio laboro ; hinc MATTH. cap. 9 v. 20. γυνὴ αἱμορροῦσα dicitur mulier quæ sanguinis profluvio laborat, & αἱμορροῦσα contr. αἱμόρρος nominatur quoque ea quæ menstrua patitur. Usitatum vero est, ut Ἀιμορροΐδες plurali efferantur numero, quo subintelligantur φλεβαί, qs. dic. venæ sanguifluæ, sumpto nomine τῶν φλεβῶν more Veterum, qui sub venis & arterias comprehendebant. Dicuntur autem in plurali numero Ἀιμορροΐδες, quia, ut REINER. SOLENANDER *Consilior. Medic.* 20. sect. 4. rationem reddit, *humoris vitio aut vasorum dispositione rarius una sola, sed frequenter plures simul sanguinem demittunt : tum etiam quod numerus atque discrimen sanguinem fundentium venarum loci incommoditate interstingui vix possint.*

§. II. Quod SYNONYMIAM concernit, appellantur Hæmorrhoides à MINDERERO *Medic. Milit.* p. 264. & GEORG. FRANCO *Disp. de Hæmorrhoidibus* p. 1. die Rücken-Ader / oder Rück-Ader idque vel propter bifurcationem illam vasorum (è quibus surculi ad anum producuntur) insignem in ultimis lumborum vertebra, vel propter mo-

tum istum & dolorem gravativum, quem instante fluxu, circa dorsum præcipue sentiunt ægri. Communiter vero & usitatus dicitur, die *Goldnen-Uder* / oder *Gold-Uder* / dictæ forsitan ideo ob aureum & insignem usum, quem corpori præbet moderatus & tempestivus earum fluxus, tum *φυλάξεως*, sanitate præsentē, tum *προφυλάξεως*, imminentibus morbis, tum *θεραπείας*, morbis actu affligentibus, *ἐνεκα*, vel forsitan *κατ' ἀνέγκαν* quasi minime aureæ appellatæ, ob fœditatem & summam molestiam, quam secum habent conjunctam. Si sunt apertæ & fluunt, tum audiunt der *Blutfluß* unter *sech* / wann die *Goldne Uder* *angeht* / oder der *göldenen Uderfluß* / sin vero occlusæ sunt, & non fluunt, sed tument, extruberant, sive intus in podice sint, sive foris promineant, à nostris hominibus vocari consuevere, ein *Verstopfung* oder *Aufflauffung* der *Gold-Uder*. Quod si fœminis ob partus difficultatem obveniant, tum q̃b obstetricibus *Truckblattern* appellari solent. A nonnullis etiam mariscæ seu *Feigwarzen* dicuntur, sed improprie & tropice, ac solum propter similitudinem aliquam, quam cum mariscis habent. Alias vocatur etiam hic Affectus, *Hæmorrhagia Ani*, item profluvium vel stillicidium *Hæmorrhoidale*, fluxus venarum seu vasorum sedalium, & quæ plura hujus rei sunt nomina similia.

§ III. Quoad HOMONYMIAM & multiplicem significationem I. Generalissime notat quemcunque sanguinis fluxum ex quacunque corporis parte prodeuntem, sive is sit à naribus, seu ore in vomitione cruenta & hæmoptysi, seu alvo in dysenteria, seu ex aliis partibus vulneratis, &c. qua & acceptione HIPPOCR. GALENUS aliique usi sunt. II. Sub Generali voce accipi quoque potest, pro tumore ad extremas venas anum ambiente, humoris ferè melancholici influxu excitato, varicum speciem quandam præ se ferente, ut accepit PARÆUS lib. 12. c. 24. Hinc & BRUEL. p. 157. Hæmorrhoides venas factas varicosas nominat; vel sumitur pro inflatione, & pro velut dilatatione locali in sede facta ut AETIUS *tetrab. 4. serm. 2. c. 5.* Unde & alii Medici, contra ipsam vim vocis Hæmorrhoides ut vasa saltem in sede tumentia, citraque sanguinis effluxum protuberantia appellarunt. III. In speciali acceptione sumtum vocabulum denotat quibusdam sanguinis profluvium ex venis ad anum podicemve expositis, item fluxum è vasis uterinis, idque ob similitu-

militudinem, quia easdem fere habet, quas & aliæ differentias, pariaque Symptomata inducere solet. Unde hoc nomine GALENUS ET CELSUS tantum venas sedis & uteri Hæmorrhoidas appellarunt, forte per excellentiam ita nominantes, quod præ cæteris vene tum ani tum uteri frequenter fundere sanguinem soleant, ut suspicatur HIERON. FABRIC. AB AQUAPEND. Operat. Chirurg. pag. m. 339. Imo CÆLIUS AURELIANUS l. 5. d. chron. S. tard. pass. c. 4. etiam in vesica Hæmorrhoides generari, quæ fluorem sanguinis præstant, quibusdam intervallis variatum, statuit. IV. Specialissime & proprie vox τῶν Ἀιμορροΐδων usurpatur de ipso sanguinis ex vasis ani profluvio, imo de vasis ipsis tam venosis specialiter sumptis, ut fecit GALENUS comment. 4. aphor. 25. quam arteriosis, (ut quidam recentiorum) tum internis quum externis. Nos hac in συζητήσει utemur significatione generali & specialissima. Alias vox Ἀιμορροΐς tribuitur serpentis cuiusdam generi eodem nomine propter effectum gaudentis, à quo demorssi profluvium sanguinis ex omnibus corporis partibus patiuntur, intraque paucum temporis spatium vita defunguntur, vid. JO. JONSTON. Histor. Natural. lib. 1. Tit. 2. c. 1. art. 4. hinc & cecinit LUCANUS: Impressit dentes Hæmorrhoids aspera Tullo.

§. IV. Relicta Ὀνοματολογία rem ipsam considerabimus & quidem Immoderatum Hæmorrhoidum fluxum, qui sub Apertarum nomine alias venire solet; & Tumorem vasorum Ani, qui sub Hæmorrhoidum Cæcarum, clausarum & suppressarum voce alias exprimitur, & denique dolorem, qui affectibus hisce præcipue suppressis sæpe perpetuus adjunctus solet esse comes.

§. V. Ut autem totam rei essentiam statim ob oculos ponamus, ne videamur alias laternam in tergo nos gestare, in frontispicio talem Hæmorrhoidum Apertarum, suppeditamus DEFINITIONEM, quod sint Sanguinis vel multi vel pauci, quantitate vel qualitate peccantis è vasis ani, ut plurimum cum virium prostratione, faciei pallore, aliisque symptomatibus conjuncta dejectio, à præternaturali vasorum istorum, vel per ἀναστόμωσιν, ἢ διάβρωσιν, ἢ διαίρεσιν, ἢ διαπύδνησιν, apertione orta. Genus in posita definitione est sanguinis è vasis Ani dejectio, hinc patet pertinere hoc genus mali ad tertiam præcipue τῶν συμπτωμάτων classem scil. excretorum & retentorum, respicimus enim ad ipsam materiam se. sanguinem, qui ex hisce vasis fluit & à statu

naturali recedit, alii vero non ipsam excretionem, sed excernendi actionem considerantes, ad primam classem referunt, sc. ad actiones læsas, sicque Genus hoc ceu complicatum est, ita ut symptoma primum ab illis Actio læsa, Excretio vero secundarium statuatur, v. DANIEL SENNERTUS *lib. 2. Institut. pr 3. sect. 1. cap. 11.* Dicta autem sanguinis vel multi vel pauci ex vasis ani dejectio, ut essentiam affectus in genere, ita & in specie *rationem* ejus *formalem* indigitat, ut scilicet pateat pro formalitate constituenda non semper generaliter poni posse nimium sanguinis profluvium, quod enim in aliis profluviiis, id & hic contingit, ut sanguis jam in minori jam in majori quantitate nunc ἀτρός confertim, nunc stillatim &c. saltem effluat; *Subiectum* innuitur per vasa Ani, præcipue vero intelliguntur ipsæ venæ (non exclusis tamen arteriis, vid. §. 6.) quæ sanguinem ex hac parte effundere solent. *Causa* est apertio eorundem quacunque ratione & modo eadem sit facta. Suppressas vero seu Cæcas Hæmorrhoides sub tali complectimur definitione, quod sint *Tumor Vasorum Ani à sanguinis vel crassi vel confertim irruentis affluxu & elabi conantis interceptione ob vasorum occlusionem ortus, cum insigni & exquisito dolore conjunctus.* Harum Hæmorrhoidum *Ratio formalis Generisque* locum obtinens est Tumor vasorum Ani, seu dilatatio, inflatio, & intumescencia eorundem, unde quatenus tument referri debent ad Morbos organicos, sc. magnitudinis specialis pr. n. auctæ, quatenus vero vasa humorum vel copia, vel crassitie, vel visciditate, infarcta & obstructa sunt, redigi possunt sub morbis cavitatum atque meatuum, Alii dicunt esse morbum intemperiei cum materia & aucta magnitudine conjunctum, præcipue vero calidæ, id quod ex inflammatione superveniente & ardoris vehementis sensu deducunt. Doloris ratione, ad symptomata læsarum actionum animalium in sensu tactus qui vulgo depravatus esse dicitur referri solet. *Causa est sanguis* seu stricte sic dictus, seu aliis humoribus permixtus præcipue crassus, tenax & viscidus.

§. VI. Pergimus ad ipsum SUBIECTUM, quod remote consideratum est *Homo*, qui in pœnam peccatorum uti à variis aliis morbis, ita & Hæmorrhagia Ani iustissime affligitur, dantur Lib. *Ecclesiast.* cap. 38. v. 15. ait. Wer für seinem Schöpffer sündiget/

fundiget/ der muß dem Urkt in die Hände kommen. Subjectum propinquius est extremum intestini recti seu Anus vel Podex, Adæquatum vero principale & Proximum Hæmorrhoidum subjectum sunt Vasa Ani seu sedis, quæ duplicia, *Arteria sc.* & *Vena*, eæque tum internæ tum externæ. *Arteriæ Hæmorrhoidales interna* intestinū rectum suo nectare vivifico irrigantes, oriuntur è ramo arteriæ mesentericæ inferiori infra spermaticas juxta os sacrum enato, humiliorem mesenterii partem perreptando plurimisque ramis in sinistram coli partem & intestinum rectum distributo, denique ad podicem descendunt. *Externæ* autem ad intestini recti ora protensæ *arteriæ*, propagines sunt Hypogastricæ, quæ à ramis Iliacis ad regionem quintæ lumborum vertebræ è trunco arteriæ magnæ descendente provenientes, ad humiliorem ossis sacri sedem in vesicam ejusque cervicem, nec non in partes pudendas procedunt, atque quibusdam ramusculis ad podicem usque excurrunt. In viris etiam per penis duo corpora cava ad glandem deferuntur, in fœminis vero in uteri fundum ejusque cervicem numerosa sobole distribuntur. *Vena* vero, quæ à nonnullis καὶ ἐξοχὴν Hæmorrhoidales audiunt, sunt etiam duplices, quarum *interna*, quæ secundum recti intestini longitudinem progredientes, podicis interioribus magis partibus insertæ sunt, -ut plurimum à sinistro, rarius à dextro ramo mesenterico, interdum à ramo splenico è vena Portæ utpote majore trunco oriuntur, seu ut ISBRANDUS DIEMERBR, *Anatom. l. 7. cap. 1.* verius mavult loqui, in eam inferuntur, sanguinemque in eam velut parvi quidam rivuli è montibus & fontibus aquam primi excipientes ad fluminis alveum deferunt, ingeruntque. *Externæ*, quæ in extrema recti intestini ora externa propagantur, oriuntur è venæ Cavæ trunci descendents ramis Iliacis circa quintam lumborum vertebra prope ossis sacri principium sitis, & quidem è ramusculo ipsius inde producto hypogastrico, è quo etiam rami in penem & vesicam in Viris, in mulieribus vero nonnulli ductus in vesicam, plures vero in uteri fundum ejusque collum inferuntur, derivatur etiam exinde vena pudenda & quæ etiam ad musculum Clunium & intestinum rectum; hinc ex Etmüll. p. m. 152. sententia facile patet, cum

hæc vasa ipsius ani & vasa menstrualia uteri oriantur ex uno trunco, quare nonnunquam imo sæpius in mulieribus defectus menstruationis compensetur per fluxum Hæmorrhoidum.

§. VII. Specialius, quodnam principale sit subjectum & Pars affecta, si quæras ab illis, qui veterum sententiis scholæque sunt addicti, en tibi pro responsione præsto erunt solæ venæ, quas in omnibus sanguinis profluviiis ut primarios Auctores primariumque subjectum inculpabunt. In recentiorum contra castris militantes increpant arterias potius quam venas, quibus etiam unice acceptum ferunt hoc sanguinis profluvium, innixi sanguinis palindromia Harveiana, v. GEORG. FRANC. *dissert. de Hæmorrhoidibus p. m. 7.* Siquidem per solas arterias pulsu sanguis ad partes pervenit promiscue absque ulla electione, qui si detur exitus, profluit, ubicunque demum sit, & JOH. DOLÆUS *Encyclop. lib. 3. c. 10.* ait. Nos tamen sæpissime arterias, rarissime vero hoc in affectu (tum in apertis minusque fluentibus, quum in cæcis atque, tumentibus Hæmorrhoidibus) venas ἀναστόμωσιν vel διὰ βρωσιν καὶ πύξιν pati audacter affirmamus, oscula enim venarum utique à materia acri aliqua erodi possunt, ita ut tam effundatur, quam retrogradiatur versus Cor sanguis à parte refluens. Nos seposito omni partium studio, solius veritatis amore, nec stricte recentiorum opinionibus addicti, nec venerandæ antiquitatis placita repudiantes, hæc ambo conjungendo asserimus, subjectum horum affectuum Hæmorrhoidum nomine venientium, venas æque esse atque arterias, imo venas frequentius quam arterias, inducti eò, cum JO. CHRISTIANO FROMMANNO *Tract. de Hamorrh. part. 1. probl 7.* & LAURENTII STRAUSSII *Palastr. Med. part. 3. γυμνάσιον. 9. p. m. 209.* ob sequentes rationes. I. Venarum substantia tenuis est simplex & mollis; arteriarum autem densa, dura, crassa, firma, neque adeo facile extensibilis atque dilatabilis, adeoque nec ita facile referantur, ut venæ, quas proinde externæ causæ, ut equitatio longa, cursus, deambulatio frequens, egerendi conatus fortis facilius sollicitant, quam arterias, quæ ipsiis venis semper crassiores, quod sane impedit, quo minus in tantum tumorem, qui in Hæmorrhoidibus cæcis quandoque conspicitur, elevari queant. II. Venarum situs declivioris pronitas, sanguis enim crassior ob gravitatem deorsum tendens

tendens, exitum quærit, quem si aliquando non invenit, sanguis tum ibi subsistens ac stagnans tumorem in venis & Hæmorrhoides cæcas infert. Hoc etiam fieri videmus in femorum & crurum venis varicosis, item in prægnantium venis uterinis præter modum ad digiti crassitiem usque sæpe distentis, quæ sponte sua nonnunquam rumpuntur, aperiuntur, sanguinemque in eo contentum effundunt, uti multoties vidisse se refert BAUSCH. *Tract. de Hemat. p. 26.* & STRAUSS. *l. c.* etiam non semel observavit. III. Venæ hac in parte sicut reliquæ pariter in corpore magis prominent & in conspectû veniunt, arteriæ contra sub ipsis venis & cute magis delitescunt. IV. Tanta sanguis ⁱⁿ crassi & glutinosi, &c. copia, in arteriis non reperitur, uti in venis, quæ illas sic distendere possit, arteriarum quippe sanguis præ venoso longe magis abundat spirituositate serositate, tenuitate, & fluiditate. V. Sanguis ex venis guttatim magis stillatimque fluit, non per saltum, nec ita floridus uti ex arteriis, quod in aliis hæmorrhagiis, mensium lochiorumque fluxu quoque fieri videmus, noruntque & nostræ mulierculæ sanguinem ex arteriis vel venis fluentem discernere, cum illius fluxum appellant. Das Herz Geblüt geht an. VI. addo, quod si ex arteriis tam frequenter flueret sanguis vel in iis stagnaret, tum dolor etiam pulsatorius frequentius adesset, qualis tamen sæpe non sentitur. VII. Licet hic sanguinis effluxus è venis secundum eorum suppositum, fiat contra sanguinis naturalem motum, tamen non ideo statim via hæc excretionis est explodenda. Quippe evacuationes hæ per venas in magnis naturæ luctibus fieri possunt, mutato aut permutato sanguinis cursu, dum medicamento irritante, & humore à sanguine separato & unito, ad excretionem omnes intendit nervos, viamque brevissimam adoritur. Motus etiam ille naturæ in humorum expulsionem est præternaturam & violentus viamque non semper illi consuetam quærit, sæpiusque & aliæ actiones naturales naturæ necessitati cedunt, ut in vomitu. VIII. denique, cum sponte iterum vasa coalescant facile, verosimile censemus, in fluxu nimio venas magis quam arterias pati, redeunte quippe per venas ad Cor sanguine, non tam urgebitur fasta ista apertio, quam si in arteriis contigisset, ubi sanguis semper novus quasi subsequitur, & diastolen arteriarum ac sanguinis

sanguinis majorem effluxum continuare solet, vid. STRAUSS. *Pal. M.* p. 3. KYPERUS *Anthrop.* p. 469. HIGHMORUS *l. 1.* pr 2. c. 6. WHARTONUS *Adenogr.* c. 11. p. 42. LINDEN. *Med. Phys.* p. 817. SEBIZIUS *Exercit. Pathol.* p. 443. SCHENCKIUS *Exercit. Anatom. V. l. 1.* §. 2 c. 15. & in *Schol. part. C. H.* pt. 3. c. 2. p. 227. CONRING. *de generat. sanguinis & motu aliique.* Interea manet Argumentum firmum, quod protulit FROMMANN. *l. c.* p. 39. *Quaecunque vena ob sanguinem illapsum tument, & cum referantur, sanguinem contentum fundunt, ea etiam ex se proxime & immediate sanguinem eundem fundunt, & per consequens per eas quoque fit fluxus sanguineus. Atqui Vena Hemorrhoidales, ob sanguinem illapsum tument, & cum referantur, sanguinem contentum fundunt. Ergo Vena Hemorrhoidales ex se proxime & immediate sanguinem eundem fundunt, & per consequens per eas quoque fit fluxus sanguineus.*

§. VIII. CAUSA PROXIMA ET IMMEDIATA est *Aper-
tio Vasorum Ani* seu dilatatio eorundem qualiscunque, à quocunque vel stimulo, vel re irritante &c. orta, quo ipso innuitur, posse hanc Apertionem considerari ceu morbum, reducendo eam ad secundam morborum differentiam essentialem compositionis, seu conformationis, & quidem ad meatuum dilatationem, sive ad tertiam, nempe solutam unitatem, quam hoc symptoma sc. Effluxus sanguinis sequitur. Apertio autem ista fit vel per *ἀναστόμωσιν*, ubi oscula vasorum aperiuntur & dilatantur propter repletionem nimiam vasorum ab abundantia sanguinis ortam, item ob fluxilitatem, tenuitatem, aquositatem & acrimoniam vel sanguinis vel feri nimii affluentis, qua fibrarum & partium tonus laxatur, vasaque imbecilla fiunt, ita ut sanguis sua tenuitate facile orificia vasorum permeet & aperiat; contingit quoque id ob sanguinem ebullientem, febriliter quasi effervescentem, cumque impetu se moventem & turgescientem, ita ut ordinariis vasis & receptaculis contineri amplius nequeat, quin capillarium vasorum orificia aperiendo, erumpat; vel fit per *ἀναστόμωσιν*, quando per vasa æquabilis sanguinis circulus per arterias in venas interrumpitur, ita ut æqualis vel per arterias distributio vel ex arteriis in venas transvasatio impediatur, idque ob spasmum fibrarum nervosarum, tam ipsorum vasorum sangui-

guifico-

guificorum, quam partium vasa recipientium, quo quasi spasmo & convulsione fibrarum earundem motricum sanguis hic correptus propter continuandum circulationis filum erumpere cogitur. Vel fit per διαρροήν erosionem, si ab humoribus falsis acribus, ut à lymphâ nimis acri vel acida vel acido salsa, vel sanguine aggesto & mora acriore facto, orificia vasorum eroduntur; vel per διαίρεσιν ἢ πύξιν dissectionem seu ruptionem quando à causa aliqua violenta, imprimis externa vulnerante, incidente, pungente, rumpente, tendente, veluti ab equitatione succussoria, unctione violenta, difficili fecum alvinarum excretionem, vel sanguine nimis turgente & affluente, viæ istæ & meatus aperiuntur; vel denique per διαπύκνωσιν seu transudationem, quando tunica vasorum ita rarefiunt molles fiunt & laxantur, ut sanguis vel alii humores attenuati & aquosi nimis ac subtiles perfluant & quasi transudare possint. Hic vero modus quamvis suas pati videatur difficultates, & à quibusdam in dubium plane vocetur, tamen cum præter adjuvantem vasorum dispositionem peculiarem, nonnulla occurrant παρόµενα, quæ eundem satis probabilem reddant, & non omnem humorum transudationem negandam esse evincant, etiam non est, ut à trita hæctenus via secedamus, vid. STRAVSS. l. c. pr. 1. γυμν. 22. §. 5.

§. IX. In Hæmorrhoidibus Cœcis CAUSAM PROXIMAM dicimus esse, *Sanguinis elabi conantis interceptionem, stagnationem, suppressionem & denegatum transitum*, ita ut materia humoralis etsi ad eas feratur, excerni tamen non possit; sed ibidem retineatur & molestiam creet, aut vitio viarum transmissioni repugnantium ob earundem angustiam, cum scilicet vel obstruuntur à materia viscida, feculenta, lenta, crassa, tenaci, pituitosa mucilaginosave seu à frigore imprimis inspissata, seu ab acido coagulata, aut denique fieri potest propter fibrarum partis contractionem ac crispationem, indeque natam porulorum partis angustiam & copiosiores solito spirituum animalium influxum, è dolore seu dolorosa partis affectione imprimis enatam; aut comprimuntur vel ob tumorem vicinarum partium imprimis musculi sphincteris, vel ob feces alvinas duriores, diutiusque retentas, vel ab incumben-
B itidem

itidem ; vel à callo seu cicatrice post solutæ unitatis morbum, vulnus nempe vel ulcus relicta, vel ab aliquo duro scirrhosoq; tumore podicis, orificia vasorum coarctata sanguini exituro remoram injiciunt, aut propter humoris ipsius ad transeundum ineptitudinem, vel ob sui crassitiem, vel ob ineptitudinem admotum & defectum turgescentiæ foras non erumpit ; sanguis quippe crassus, lentus viscidus, partibus terrestribus, fixis & tartareis abundans, particulisque volatilibus, tenuibus, serosis & fermentaceis orbat, circulationique minus aptus, accedente clausura osculorum vasorum ani, per partium meatus ac poros & per vasa minima subtiliaque difficulter permeans, inque suo motu impeditus partibus incuneatus quasi, dum regredi non potest per venas, sed in iis retentus, cumulatus, exitumque quem quærit non inveniens subsistit, stagnat, stagnandove venæ extremitatem, magis minusve, prout copia vel qualitas sanguinis est, dilatatur, & tumorem nunc majorem nunc minorem nunc magis minusve dolorificum, his vel aliis symptomatibus conjunctum infert ; quod illis, quibus nunquam adhuc Hæmorrhoides fluxerunt, si natura eas movere conetur, in principio, quia oscula nunquam illis prius aperta fuerunt, nonnunquam evenit, &c.

§. X. Cum autem ob tumorem distentionemque partium, ob inflammationem præterea sæpe conjunctam, & partis exquisitum sensum, acerbissimus & maximus quandoque oriatur dolor, qui magnitudine sua omnes curationis intentiones primario ad se trahat, è re videtur, & breviter ejus Causam & Subjectum exponere. *Causa* ergo *Proxima* dolorem inferens est, ipsa continui solutio confertim & cum impetu agens, ita ut objectum improporcionatum fibras partis affectæ earumque poros & interstitia subeundo violenter divellat, distendat, distrahat, spiritusque animales ibi hospitantes in varios, inordinatos, & rapidiores motus cieat, qui deinde hunc ab objecto impressionis dolorificæ specificum motum modumve cerebro hincque animæ dijudicandum deferunt. Continuum autem istarum partium solvit, omne id, quod eas premit, erodit, pungit, vellicat, lacerat, secat, perforat, distendit, sive istud sit humor, seu vapor vel flatus, seu externum aliud quid. *Subiectum* Doloris sunt partes ani exquisito & acuto tactus sensu præditæ, quales sunt membra-

membranosa ac nervosa, & imprimis musculosa sphincteris substantia, cui vasa & nervi plurimi sunt inserti. Huic enim parti, ut loquitur *WILLIS in Nervor. Descript. & Usus, cap. 27. p.m. 392.* quasi nunquam ipsi satis provisum esset, præter Nervos ab utroque plexu proxime superiore huc missos, atque has extremas Paris intercostalis productiones eidem impensas, etiam ramus ac fibræ quædam à Nervo vertebrali inferuntur, nervus enim è radice vigesimi octavi & vigesimi noni paris vertebralis in sphincterem & reliquos ani musculos est insertus. Unde cum tam plures nervor^{um} funiculi eique tenuissimi huic parti sint implantati, etiam non mirum est, cur tam facile ab objecto quovis improporcionado lædatur doloremque patiatur.

§. IX. CAUSAS MEDIATAS PROXIMIORES easque internas in ipsa Massa sanguinea investigandas & quærendas esse, è dictis jam, & adhuc dicendis satis manifestum erit; Antiquiores enim non solum, sed & recentiores, qui Naturam reverenter habent, eique obsequuntur, ad Humores potissimum respiciunt, ut sicubi vitium contraxerint, eos corrigant, ad naturalem crasin quantum possibile redigant, eorum coctionem, sequestrationem, distributionem, eliminationemque adjuvent. Itaque in causa sæpe est ipse sanguis abundans; è victu pleniore, otio, consuetis evacuationibus suppressis, constitutioneq; corporis calida & humida, &c. ortus; qui in tantum augetur inque vasis sæpe cumulatur, ut in iis amplius contineri nequeat, quin à natura sanguis prius ad partem hanc ablegatus, foras proscribatur; vel causa etiam est, sanguinis vel puri, vel impuri nimia quantitas circa sedis vasa, ob suppressum sanguinem alias evacuari per Hæmorrhoides consuetum congesta, acrimonia concepta, subito venas aperiens, magna vi erumpens; idque vel ob peregrina admixta fermenta, vel ob heterogeneousum aliquid ac non miscibile sanguini confusum ac incongruum & indomabile, vel ob particulas Sulphureas nimis copiosas accentas, & solutas, vel ob salinas nimis evectas & in fluorem actas, vel ob cruoris compagem nimis rarefactam & solutam, & relaxatam & quasi venenatam, circulationis filo continuando imparem factam; vel ob internum conceptum fervorem, febrili quasi turgescencia & effervescentia ebulliens, huc impetuosius sanguis appulsus propter nimiam partis disten-

tionem claustra perrumpendo pro vario ipsius ὀργασμῷ nunc impetuosius & copiosius nunc minus & mitius effluit naturæ nostræ thesaurus optimus. Pariter nimiam copiam & excedentem sanguinis quantitatem in causa quoque esse ut suppressio Hæmorrhoidum inducatur non immerito suspicari licet, à copia quippe ista sanguinis uberius hic hærente vasculis præter modum distentis repletisque impedimentum atque remora injicitur sanguinis motui, dum in majoribus vasis promotus sanguis, in minoribus vasis & capillaribus poris ac meatibus seu vasculis impeditus, nec à minimarum venarum ramulis & eorum porulis haud absorptus, forsan textura idonea privatus, sed in minimis relictus, stagnatione sua partem in tumorem admodum dolentem extollendo, Hæmorrhoidum cæcarum auctor est. Imprimis tamen in causa est sanguis crudus, crassus, impurus, viscidus, tenax, lentus, fœculentus, cacochymicus, minus mobilis, & sale volatili ac sulphure debito minus præditus, sed è partibus salinis magis fixis, acidis atque terreis constans; indispositus ad turgescientiam debitam & orgasmum ac fermentationem, vasa non ita libere, sed lento tardoque motu, vi quasi & vehementia propulsus, percurrrens, nec expedite per ea circulans, facile in parte quadam jam debili stagnat, & excrementitias humiditates & crassam glutinosam ac viscidam impuritatem ibi defigens & lateribus portiones lentas affigens, ani partem vasa præprimis desubito gravat ac ita debilitat, ut utile ab inutili, purum ab impuro, tenue à crasso &c. nec sequestrari possit, unde sanguinis depravatio ac excrementorum pr. n. collectio & redundantia magis magisque succrescit, ita ut hujus ratione & vasa graviter obstruantur, distendantur, dilatenturve, & ipsa vis constringens adeo infringatur, ut in expulsionem superflui & noxii hujus sanguinis suo munere fungi non amplius valeat.

§. XII. Sed Causas nobis inquirentibus & contemplaturis variæ hypotheses sese offerunt. Veteres enim Medici Hippocrates & imprimis Galenus ejusque asseclæ sub schemate Humorum plerorumq; imo fere omnium morborū αἰτιολογίαι proposuerunt, & horum ἀκρασίας inordinationes &c. juxta primarum duntaxat qualitatum excessus, mediante illa sanguinis, Bilis, Pituitæ

Pituitæ & Melancholiæ quaternione in apricum deducere allaborarunt. Sic enim Hippocrates libr. de Hæmorrhoidibus sect. VI. p. m. 913. scribit. *Bilis aut Pituita ad Venas, quæ in ano sunt decumbens, sanguinem, qui in his est, calefacit, morbosque Hæmorrhoidum excitat. Nec abludit à ratione.* Bilis enim quia natura est calida, acris, amara, salta ac sulphurea, vim habet irritandi, exituique sanguinem præparandi, unde ob bilem prædominantem ii qui biliosi vel cholericæ aut in intensiore aut remissiore gradu sunt, magis Hæmorrhoidibus sunt subiecti quam alii. Tinctum quoque à bile serum viride conspicuumque flavedine quandoque sanguinem excernere eos, qui Hæmorrhoidibus decumbunt, norunt Practici, uti FONSECA *T. 1. Conf. 27. p. 178.* meminit Viri cujusdam, qui hoc genus mali perpeffus est à sanguine acri & bilioso. An Pituita vel potius Pituitosus quispiam humor seu sanguis hic peccet, ut loqui mavult DANIEL SENNERTUS *Instit. l. 2, pr. 2. c. 9.* in controversiam quis vocare posset, nisi experientia id refelleret: *autem* enim constat, loco sanguinis reliquis humoribus contradistincti, interdum effluere alios excrementitios fæculentosque succos, interdum albidos, aquosos nonnihil viscidos, mucosos, mucositatesque alias & impuritates. JO. GEORG GREISEL, quippe uti videre est in *Theophili Boneti Medicina septentrionali Collatitia lib. 3. sect. 11. cap. 11.* notat. *Virum 49. annorum perpetuo valetudinarium, cui post purgationem majalem, Hæmorrhoides ut aperire curaret, consultum fuit, quibus apertis, exivit materia instar spermatis ranarum ad libras decem, cum jactura tamen virium, convaluit ab hoc momento, liberatusque fuit à suo diuturno morbo & milienis aliis accidentibus.* Similiter vidit PAULUS DE SORBAIT *Medic. Pract. Tr. 1. c. 68.* ex Hæmorrhoidibus externis per sanguisugas duas vere mensuras materie cujusdam instar spermatis ranarum fluxisse & patientem à longissimis malis, flatibus sc. continuis doloribus aliisque symptomatibus liberatum fuisse. Imo alii, non sanguinem, sed albidum humorem, nequaquam purulentum è vasis exprimi observarunt. vide *Miscellan. A. N. C. Ann. 1. obs. 75. p. 180.* Et SCHNEIDERUS *de Catarb. l. 3. c. 7. p. 270.* ut mucus cum sanguine ad renes, ita quoque ut excludatur, ad venas Hæmorrhoidales pervenire statuit. JOHAN. RHODIUS

Cent. III observ. 72. in Cœnobita pruritu sicco atque difficili diu vexato sanguinem è venis Hemorrhoidalibus adeo pituitosum evocatum fuisse, ait, ut præter tantillum seri nullum sanguinem referret. Notante quoque HÖECHSTETTER. Viro cuidam nobili à febre continua, glutinosus ichor frequens non sine fastidio anum perreptavit, podicem semper tenacitate humectans & indusium maculans, ut rigeret, ac si amyli diluto madidum esset. Unde si materia talis pituitosa eique similis per Hæmorrhoides sæpius excreta visa, eorumque beneficio morbi pituitosi secundum HERCUL SAXON. *in Præl. Pract. pr. 2. c. 23. p. 219.* sanati sint, tunc sequitur Pituitam etiam istam Hæmorrhoidum causam exitisse. Serum quoque vel justo copiosius vel acrius vel tenuius, vel aliis humoribus stimulantibus, particulisque salis & corrosivis & irritantibus præditum ad excretionem Hæmorrhoidalem, naturam irritando, stimulum præbet haud exiguum, referente enim D. PETRO CHRISTOPH. *Stockhausen in Disput. Inaugural de Hemorrh. Helmstad. Ann. 70. §. 31.* D. Theodorus Conerdingius scribit, se in Arthritico graviter decumbente vehementes Hæmorrhoidum dolores cum tumore obortos notasse; intra paucas horas apertione sponte facta, limpidissimum serum ad plures libras effluxisse, tam acre & corrosivum, ut partes madefactas corroserit & excoriarit. Fluxum quoque Hæmorrhoidum ichorodem plane & quasi suppuratum se bis omnino observasse scribit WELSCH. *in obs. Medic. Phys. 98.* Suppressionis Hæmorrhoidum causam quoque serum esse, notat PETR. POTERIUS *Cent. 2. cur. 63.* in illustri Domino annos 45. nato, à nonnullis mensibus catarrhum falsum circa genitalia & anum passio, cui à datis inopportune remediis, Hæmorrhoides dolorificæ cum aliis gravissimis Symptomatibus concitatae sint; pondus asserto huic addit THOMAS BARTHOLINUS *Cent. 4. Hist. 56.* notans Juvenem, cui per tredecim dies ab obstructione meatuum urinariorum suppresso lotio, venæ omnes corporis à sero intumuerunt, ut varus crederetur, & ruptionis videretur imminere periculum. At percurato medicamentis diureticis lotio, cessavit venarum distensio & metus rupturæ. Suppressionis etiam causa serum est si deficiat, id est, si in debita quantitate non adsit, vel fœculentiis limositatibus & impu-

impuritatibus salinis fixis, terreis, & tartareis infarctum, quo sanguis evadit spissus, lentus & ad circulandum inidoneus, in viscera inde partesque, meatus vasæque, quæ transit fœculentias suas deponit, intraque vasorum parietes conclusæ, & impactæ subsistentes & remanentes obstructionem & tumorem inferunt. Devolvimur tandem ad Melancholicum Humorem, seu Fœculentias Tartareas Terrestrisque uti recentiores loqui malunt; pro eo siquidem stetit HIPPOCRATES *L. 6. Epidem. s. 24. ix.* & GALENUS *comment. in h. l.* alique imo stetit tota Antiquitas, faciunt quoque pro eo recentiores, sed cum invidiosum ipsis sit nomen melancholicum, arguunt loco istius fœculentias suas limositatesque, &c. in sanguine existentes, ut modo dictum. *Autoris* autem non destituitur hæc ipsa opinio, cum videamus sæpe sanguinem nigrum, crassum, fœculentum, grumofumque hic evacuari, morborumque Melancholicorum Hæmorrhoidali hoc fluxu fieri terminationem. Sic HÆCHSTETTER *Decad. II. Cas. 2. in Schol.* vidit Fœminam quadraginta annorum numero multo majorem cui, menstruis declinantibus & corpore cacochymico existente, fluxus non liquidus sed grumofus fuit; & eodem loco, notat Nobilem matronam, quæ sanguinem dejecit copiosum, grumofum simplicem & nonnunquam stercore coinquinatum, &c. pariter Patritius quispiam Augustanus materiam dejecit colore liquidam, cruentam, cum sanguinis grumis, coloris nigri, &c. Grumos cruoris rejectos fuisse testantur quoque CORB. *Pathol. l. 2. s. 4. c. 12.* FERNEL. *l. 6. Pathol. c. 10.* & SALMUTH. *Cent. 1. observ. 73.* meminit Hæmorrhoidum grumofarum, in seipso seu frusti sanguinis concreti palmarum æquantis, subsequutis aliis & minoribus frustulis, excreti.

§. XIII. Flatus, quos Helmontius negare & é foro Medico proscribere allaborat, & Hæmorrhoides excitare posse cum veneranda Antiquitate statuimus, si enim varices, præeunte nobis D. D. MELCHIORE SEBIZIO *in Specul. Medic. Pract. T. 2. p. 2027.* à Flatibus oriuntur, quidni & Hæmorrhoidales venas à Flatibus intumescere posse asseramus, vid. SOPHRON. KOZACK *l. c. l. 2. c. 11.* ZACVT. *LVSIT. Medic. Hist. l. 2. c. p. 775.* Et CRATO *consil. apud Scholtz. p. 308. 329.* Unde natura, pro-

vita

vida ista & sagax mater, vias sibi commodas, apertas, & cuniculos utiles & absconditos quarit & novit, per quos inimicum, humores sc. & vapores extrudere deponere & expurgare tuto possit. Huic itaque, ut SCHNEIDER, *d. catarrh. l. 3. c. 7. p. 271.* ait fidendum erit in multis, cum in paucis eam assequamur.

§. XIV. Si recentiores evolvere datum esset, & quarundam particularium sententiarum examen instituere animus esset, quod tamen instituti nostri ratio non permittit, videremus plurimos Auctorum in verbis solum discrepare, non vero in ipsa re. PARACELSUM si evolvis, nihil aliud singulare in ipsius scriptis pro causa Hæmorrhoidum deprehendes, quam illud, quod *Schol. l. 6. §.* afferat. Sanguinem Hæmorrhoidum facere morbum lepræ similem; & sicuti in fluxu hepatico ita & hic salia sua sylvestria acria in fero seu Latice, liquefactionem sanguinis efficientia accusant Paracelsistæ. HELMONTIUS vero *Libr. Pylor. Rect. inscript. N. 18.* & quem sequitur OSWALDVS GREMBS *Arb. integr. & ruin homin. l. 2. c. 1. §. 5. n. 74.* Fluxum Hæmorrhoidalem fieri existimant, si Fel & Pylorus non bene consentiant, & cruor super justum terminum detineatur, vel si transmutata sextæ digestionis transferantur in primam. Causa ergo juxta ipsum est Dissensus Fellis & Pylori, & ut DOLÆVS *l. c. l. 3 c. 10.* in Hæmorrhoidibus non semper, quotidie, aut ubivis, sed duntaxat circa venas cruorem, bonum alioqui, maligniari, deturpârique, iis locis & non antea ipse existimat, in ipse enim antea degener est cruor, & ad ultimum ani mittitur. Quid vero de Helmontii & Gremblii hac opinione sit sentiendum, exponit JO. CHRISTIANVS FROMMANNVS *Traçtat. de Hemorrhoidibus part. 1. probl. 21.* Chymici ad salia sua volatilia acria & corrodentia in sanguine contenta recurrentes, varium istum apertionis vasorum modum longe evidentius ostendere conantur. Imo quidam omnes hæmorrhagias, quæcunque à causis fiunt internis, variis salibus sua debere natalia, ita & Hæmorrhoidum fluxus salinorum principiorum fru, ctus & effectus esse ajunt vid, KOZACK. *Tr. d. Sal. c. 6. §. 16. c. 9. §. 17.* Qui Acidi vero & Alkali Patroni audiunt, ii per dominatum ipsius Alkali fluxum, per exaltationem vero acidi vitiosi sanguini inductam, suppressionem explicare conantur; A duplicibus

cibus enim hisce salibus acidis sc. & Urinosis, vel alcalicis, si legitime proportionata & aliis particulis intermixta ac temperata sint, sanguinis crasin & constitutionem dependere volunt, illegitime vero proportionata ac intemperata pr. n. crasin oriri; Excedente enim sale Urinoso activitatem alterius, tum sanguinea Massa dissolvitur & fatiscit, acido vero excedente eadem coagulatur, grumescit non spirituaescit, & tarde circulatur; Proinde sicut in quibusvis morbis aliis tam generandis quam corrigendis, ad duo ista, imprimis tamen ad acidum respiciendum venit, ita & eadem hic non insuper habenda esse affirmamus, utpote quæ si non omnium plerorumque tamen morborum causa existunt.

THOMAS WILLIS Causam fluxus Hæmorrhoidum quarit in sanguinis acrimonia, dyscrasia salina & sulphurea, & nimia ejus effervescentia; cruor enim acris existens, vel ob particulas sulphureas & salinas nimis solutas inque effervescentiam actas, plus debito accensus, uti calorem intensum ac valde molestum in totum corpus dispergit, ita & circa partes has imprimis congestus, arteriarum seu venarum oscula haud difficulter referare, exedere, unitatem solvere, & sic fluxum hunc concitare valet. Contra vero si cruor ob partes, sulphureas & salinas à variis causis nimis absumptas seu depressas vapidus effœtusque, & ob crassas, limosas, terrestrioresque particulas parce vel minute accenditur, tum necessario alicubi stagnat, Tumorem & suppressionem alias fluentium Hæmorrhoidum inducit. Qui corpusculari Philosphiæ favent, illi particulas & corpuscula sua, (è quorum variis concursibus & coacervationibus Massa sanguinea conflatur, & sensilia omnia corpora & effectus exsurgunt) determinatas, discrepantes tamen magnitudines, motus, figuras situsque &c. habentia: in specie in fluxibus sanguineis particulas acres & acidas, rodentes puta scindentes, pungentes accusant, quæ spiculis suis lapsu temporis, magis magisque impactæ arteriarum Hæmorrhoidalium aliarumque fibrillas divellunt, & rimas faciunt, tandemque sanguis ad vasa hæc teneriora delatus, fibras dilatando, per hiatus effluit. Sin vero particulae tenues, flexiles, lubricæ, aliis crassioribus aut ramosis intertextæ, sed non valde firmiter annexæ & meatibus inclusæ exhalarunt, tum aliæ quæ remanent, minus flexiles, mobiles atque lubricæ, arctius junguntur, & fir-

mius neſſi ſolent, obque particulas juxta ſe mutuo quieſcentes, ſtagnatio humorum & per conſequens Tumor inde exoriri ſolet.

§. XV. In tanta autem opinionum abundantia, cum labi & errare præcipue in arte noſtra non adeo difficile, & impoſſibile ſit ſit cum omnibus ſentire, nemo, ut puto, vitio mihi verter, ſi judicium meum hac in re aliquantiſper ſuſpendam, donec magis fuero edoctus. Interim, ne plane ἀσύνβηλος ſim, præſertim cum Humorum doctrinam Galenicam à recentioribus exhibitam, inter morborum conſtitutivas cauſas produxerim, de propoſitis hypotheſibus forſan judicare licet, diſſenſum, qui inter eos occurrit, in verbis magis, quam in herbis, ſi ita loqui fas eſt, conſiſtere, & pleroſque auctorum nomina ſaltem mutare, in ipſa vero re convenire, quam alii aliter explicare allaborant. Unde & aſſertis veterum quo ad Humores ſua & conſtare poterit veritas, ſi concinna inſtituatur explicatio & conciliatio. Breviſſimis ergo dicimus, Chymicorum principia ſcilicet ſulphur & Mercurium, vel Cartefianorum particulas varias, determinatæ tamen molis & figuræ, in ipſis humoribus conſiſtere, ſine quibus tanquam ſubjecto, vehiculo & minera nec eæ, nec acidum, nec alcali, nec acerbum, nec quidvis aliud exiſtere poſſunt. Loco enim bilioſæ caco-chymię non inepte introductæ ſunt, vel partes ſulphureæ, oleoſæ, inflammabiles, nimis in ſanguine exaltatæ ac valde luxuriantes, vel acidum quoddam volatile oleoſum, alcali ſuo volatili plus minus ſaturatum; loco pituitæ, partes ſalinas non rite exaltatas, ſed crudas & magna ex parte fixas &c. permanentes, vel chylum, digeſtionis primæ vitio, vitiatum, & in paſtam viſcidam, craſſam, acidam & tenacem redactam, in ſcenam poſſe produci; Melancholiæ vero veterum toties decantatæ, vel acidum ſuccum Hippocratis, vel acidum &c. aliud, vel partes ſalinas fixas, auſteras, acerbæ, ponticas, fixas & terreſtres reſpondere poſſe arbitramur. Sed cum in hiſce totus rei cardo non vertatur, cuilibet ſuum in explicanda hypotheſi modum relinquimus, optantes, ut quidam perſpicue magis loquerentur, nec aliorum ſtatim doctrinam, ubi hallucinati ſunt, ignominioſis nominibus traducerent & ſua tanquam oracula aliis obtruderent.

§. XVI. Accedamus nunc ad CAVSAS MEDIATAS REMOTIORES, inter quas primo occurrunt RES NATURALES, quæ, ut loquitur GVERNER. ROLFING. Ord. & Meth. Medic. special. Comment. l. 2. §. 2. c. 31. *magnam in humoribus vitiosis cumulandis vim habent, hæ enim naturali quasi inclinatione disponunt subjectum ad receptibilitatem infortunata morbose impressionis, sine quibus res nonnaturales parum valent.* Temperamento itaque qui calido & Humido, ac Plethorico & seroso sunt, vel qui ob labem à parentibus acceptam Cholerici, Scorbutici, Hypochondriaci, splenetici, atrabilariique audiunt, seu sanguinem natura calidiorem, acriorem salum magis & effervescente aptum, proinde vasorum osculis facilius erupturum habent, ii præsertim, si debilior laxior rariorque vasorum istorum sedalium constitutio concurrat, uti crebrioribus narium hæmorrhagiis &c. ita & Hæmorrhoidum fluxu facilius tentantur præ aliis, qui tali temperamento & constitutione corporis non sunt, sed potius contrarium obtinent, unde & cæcis & dolorificis magis vexantur. Quæstio hic agitari posset, An scilicet plagæ istæ, quibus Philistæi, postquam Arcam Domini in templum Dagonis receperant, in secretiore natium fuerunt percussi, uti Lib. 1. Samuelis cap. 5. v. 6. *Da der HErr Asdod / und alle ihre Gränze an heimlichen Orten schlug.* & è Psalm. 78. v. 67. videre est, fuerint Hæmorrhoides. Pariter ventilari posset, illa opinio, quæ statuit, Judæis fluxum Hæmorrhoidalem familiarem esse, & an pœnæ loco Christum crucifigentibus (dum Judæi impiissimi clamaverunt, sanguis ejus super nos & filios nostros) immissus, ex maledictione Parentum currat adhuc in filios vena facinoris per maculam sanguinis, ut per hanc importune fluidam proles impia inexplicabiliter crucietur, quousque se ream sanguinis Christi recognoscat pœnitens & sanetur, ut loquitur D. AUGUSTINVS. Nec non an Fœmina ista apud Matthæum cap. 9. v. 20. *das zwölff Jahr den Blutgang gehabt* / Hæmorrhoidum an vero mensium profluvio laboraverit. Sed missa hæc facio, nec quicquam determinare valeo, donec res ipsa, incertis Auctorum opinionibus adhuc innixa & indubitata fidei testimoniis non dum probata, à Doctoribus Ecclesiæ magis dilucidetur

cidetur: Nec enim, ut ait SPEIDELIUS, asserere queo, quod vel oculis non vidi, nec aliunde expertus sum, relata solum retuli. Unde quantum hisce & consimilibus deferendum, cuique sit liberum arbitrium.

§. XVII. Quoad sexum, morbus hic utrique sexui est communis, præcipue tamen inter viriles recensetur; mares enim præprimis in virili ætate constituti iis magis tentantur, & quidem quandoque periodice, utienim JO. LVD. HANNEMANN, annotante id Theophilo Boneto Med. septentr. Collat. Lib. 3. sect. 11. cap. 7. ait. Quod quidam Viri quolibet mense & luna silente redeunte, non secus ac fœminæ suum pendunt vectigal de rosa, eodemque modo sese præparant, quo fœminæ has lunulas habituræ, terminumque istius fluxus instare præsentire possunt, id quod expertus est Vir ille Kilix Holstatorum suburbanus minister. Sic EHRENFRIED HAGEDORN, v. Th. Bonet. l. c. cap. 2. novit Fabrum murarium, quem ab anno ætatis 20. ad 60. usque Fluxus Hæmorrhoidalis singulis fatigaverit mensibus, perinde ac catamenia apud Fœmellas statò redire consueverunt tempore: retulit etiam se iisdem affligi symptomatibus, quibus menstruatae, retentas vel nimium fluentes iisdem quoque promoveri, vel sisti, quibus fœmellarum, remediis, similia exempla vide apud citatum sæpius BONETVM l. a. c. 9. c. 10. & AMATVM LVSITANVM Cent. 3. cur. 3. VESALIUM de Corp. H. Fabrica l. 5. c. 15. SCHENCK. l. 3. obs. 157. 158. &c. Unde putant quidam, Viris quibusdam periodicum & menstruum hunc Hæmorrhoidum fluxum, loco menstruationis quasi fœmininæ à natura datum esse vid. MICH. ETTMÜLL. Prax. p. m. 544. Et similem volunt esse isti fluxui, quem quidam Viri per partem istam, à qua Viri dicimur, singulo menstrui spatio, patiuntur, qualia exempla quanquã rara scriptis consignarunt ZACCVT. LVSITAN. Lib. 2. Prax. Med. admirand. 3. obs. 102. THOMAS BARTHOL. Cent. 5. Hist. 32. 33. FEHR. tr. d. absinth. p. 138. SALMVTH. Cent. 3. observ. 47. WELSCH. observ. Medic. Epifagm. 69. Mulieribus quoque hic fluxus solet fieri familiaris, in quibus tamen fere semper mensium aliquod vitium conjunctum esse solet, vel cessantibus iis aut per ætatem, vel morbum &c. hic apparere incipit. Sic ETTMÜLL. p. m. 152. inquit; Aliquot scio ex-

empla

empla, quod in habitu corporis succulentiore & turgidior par-
tium post 49. annum, quando naturaliter fluere desinunt men-
ses, superveniat fluxus Hemorrhoidum periodicus; ita, ut cum
in his certa periodo fiat evacuatio, per uterum hanc naturaliter
cessantem insequatur Hemorrhoidum fluxus. Paria annotarunt
SENNERTVS l. 3. Prax. pr. 2 f. 2. c. 13. & D. CASP. KOLICHEN
in Theoph. Bonet. l. c. c. 4. & G. W. WEDELIVS eodem in loco
s. 3. & in appendice ad cap. preced. HEVRNIVS comment in Sect.
VI. aph. 11. SYLVATICUS Cent. 2. concil. 95. Sic & DOLÆVS En-
cyclop. M. l. 3. c. 10. observavit in Principissa quadam juniore flu-
xum menstruum novilunio fluentem, una cum fluxu Hemorrhoi-
dum plenilunio fluentem, sic & RVLAND. Cent. 2. obs. 14. ex-
emplum monialis iisdem ultra annum laborantis suppeditat. HIP-
POCRAT. l. 4. Epidem. Filiam ædilis cujusdam mensibus
non prodeuntibus per duos annos hyeme habuisse Hæmorrhoi-
des refert. FOREST. l. 23. obs. 4. & 5. Viduis quibusdam loco
mensium Hæmorrhoides fluxisse inquit, sic SCHOLIOPHAGUS ad
cap. 55. l. 1. HOLLER. d. morb. internis in Schol. c. 51. l. 1. nota-
vit, in gravidis duabus mulieribus jam quatuor menses in utero
habentibus Hæmorrhoides utiliter profluxisse. Imo & Gra-
vidis interdum superveniunt Hæmorrhoides loco mensium
fluentes, vid. SCHENCK. l. 3. obs. 163. SWALWE Disquisit.
Therapeut. sect. 6. p. 117. ait. in quibusdam defectu lochiorum
vel menstruorum tument aut aperiuntur Hæmorrhoides. Sic
quoque Fœminæ in ultimis gravidationis mensibus aut etiam ubi
difficili laborant partu incurrunt Hæmorrhoides, in utroque e-
nim casu, ut vult ETTMÜLL. p. m. 153. impeditur nonnihil san-
guinis circa uterum & anum motus, qui occasionem submini-
strat, ut stagnet in venis Hæmorrhoidalibus, quæ stagnatione
tumefacta vasa & inflammata pars, dant Hæmorrhoides cœcas
dolentes.

§. XVIII. Ut cuique ætati sua est sanitas, ita suæ mole-
stia suus quoque morbus, mutationes quippe ætatis temporum-
que secundum effatum Magni nostri senis sect. 3. aph. 1. potis-
simum pariunt morbos &c. Hinc eodem sect. III. aph. 30. at-
testante, Hæmorrhoides adultæ præprimis, virili, & nonnihil
declinanti adscribit, verum notandum quod morbi ætatibus se-
cundum

cundum Hippocratem enumeratis attributi, nō simpliciter & absolute sunt intelligendi, quasi iisdem ita sint proprii, ut in cæteris non cadant, sed respective, quod morbi certi certæ ætati sint frequentiores quam ætatibus aliis, ita Hæmorrhoides ætatis consistentis hominibus sic competere intelligimus, ut tamen reliquæ ætates non sint excludendæ. vid. FROMMANN, *l. c. part. 1. pbl. 27.* Sic primam ætatem puerilem scilicet à malo hoc immunem non fuisse testatur CAROLVS OFFREDI, in *Theoph. Bonet. l. c. l. 3. f. 11. c. 6.* qui observavit duos puellōs triennem unum, alterum quadriennem gravi morbo Hæmorrhoidum laborantes, & quidem postremum fungi specie extantium cum summo dolore, &c. Pariter Filiolum quendam duorum annorum tubicinis cujusdam anno 1676. Hæmorrhoidibus & fluentibus & Cæcis laborantem cum materiæ acrioris per aliquot dies profluvio, insequente sanguine puro quantitate cochlearis minoris cum intumescentiâ quasi velicæ cujusdam minoris ex ano prodeuntis, sed brevi in anum redeuntis observavit FROMMANN. *loco super. cit.* Nec non SIMON SCHVLTZIVS (*v. Theoph. Bonet. l. c. c. 5.*) notat Filium octo annorum Hæmorrhagiam anicitra tormina ventris seu dolorem in intestino vel circa intestinum aut in podice passum, &c. Pariter & alium puellum minorem n atū sine discrimine sanitatis aliquo Hæmorrhoidum fluxum passum fuisse sibi que relatum prodidit idem. Quoad juvenilem ætatem vid. PETR. LOTICHII *Obs. Med. 1. l. 4. c. 10.* & FONSECAM *Tom. 1. cons. 26.* Senilis ætatis mentionem iniecit sæpius citatus SIMON SCHVLTZIVS *l. c. c. 2.* observans duos senes unum octogenarium, alterum nonagenario majorem, qui à prima statim juventute ad prædictam ætatem Fluxum Hæmorrhoidum passi sunt, & quidem quovis mense, maximis cum dorsi doloribus & ventris torminibus ordinarie & uberrime redeuntem. SCHENCKIVS *l. 3. observ. 157.* Octogenarii senis meminit, qui singulis mensibus sanguinem Hæmorrhoidalem patiebatur. vid. & FRANCVS. *l. c. p. 15.* Denique ipse habitus corporis rarior vel laxior vel densior, peculiaris etiam ἰδιόσυρ-
ησασία, & nativa quasi proclivitas, hæreditaria dispositio, peculiare etiam robur viscerum & valorum majorum, debilitas vero
& ἀσλία

& *ἀσυνία*, ac singularis conformatio vitiosa minorum in ano, & partis *ἐνδοσπέρμης* atque intemperies, magnum ad hoc malum afferunt momentum, & nunc ad fluentes, nunc ad furentes disponunt subiectum Hæmorrhoides.

§. XIX. Transeundum nunc nobis est ad CAVSSAS MEDIATAS REMOTIORES NONNATVRALES, inter quas primo occurrit Aer, qui Auctore HIPPOCR. *l. d. flat.* maximus in omnibus qui corpori nostro accidunt, morborum auctor existit. Ratione caliditatis suæ, dum humores dissolvit, attenuat, fundit, liquat, bilem ac sanguinem exæstuarare & magis effervescentia facit, porosque aperit, Apertarum: ratione frigiditatis vero, dum disponit sanguinem ad coagulationem & grumescentiam, dum meatus ipsius cutis occludit, corpus densat, pituitam auget fermentationi turgescentiæve Massæ sanguinæ obest, & stagnationem humorum inducit, Cæcarum Hæmorrhoidum causa esse solet. Hinc etiam Fluxus Hæmorrhoidum, uti aliæ quoque fluxiones sanguinis secundum HIPPOCR. *sect. 3. aph. 20. 21.* Verno tempore frequentius & magis æstare, ob calorem solis sanguinem magis calefacientem & turgescere facientem, & fructuum horæorum ac facile putrescentium, vel aliorum in bilem convertibilium usum, eò affligi alias solitos adicitur, quam hyeme, licet & hoc tempore iis affligamur, sed non tam facile, ex mente enim HIPPOCR. Quilibet in quibusvis temporibus morbi fieri possunt, nonnulli tamen in his magis tum fiunt, tum irritantur. Ratione aeris præterea variantis in his vel istis locis etiam morbi variant, uti pariter docuit HIPPOCR. *l. d. aere, aquis & locis.* Unde & Meridionalibus populis, regionesque calidiores ut Italiam, &c. vicinaque loca incolentibus, quibus quasi loco menstruationis muliebris est Fluxus Hæmorrhoidum, contra loca septentrionalia & frigidiora inhabitantibus Cæcæ & Dolentes Hæmorrhoides magis solent esse familiares. An' Anglia præ aliis regionibus magis torquatur ab Hæmorrhoidibus in dubium vocari potest, uti quidem id nonnulli defendere conantur, vid. AMMAN. *Paranes. ad Discipulos l. 2. prt. 3. cap. 13.* seu FROMM. *l. c. pr. 1. pbl. 33.* Secundo Cibus & Potus congerendis excrementis & vitiosis humoribus fores præcipue aperiunt, maxime nunc, cum pravis succrescentibus moribus Intemperantia Mor-

tia Morborum & Medicorum nutricula regnet ubique. Ad Fluxum occasionem subministrant Cibi calidi, acres, salsi, fumo indurati, pisces exsiccati & nimis saliti ut haleces, vel carnes salitæ ut pernae, linguæ bubulæ, imo omnia alimenta multum nutriendia & copiosum sanguinem suppeditantia, vel acrimoniam, caliditatem, accensionem, & majorem effervescentiam inducentia, vel natura talia, vel aromatibus, pipere, cinnamomo, caryophyllis, galanga, &c. nimium condita; quod & facit Potus nimium calefaciens, vina generosa, spirituoſa, malvatica, aromatica, seu Hippocratica dicta, vel alia largiter, inordinate & ad crapulam usque hausta. Hanc ob rationem, FRANCYS l.c. p. 13. in Germania nostra non infrequenter dicit esse Hæmorrhoides, præcipue tamen in locis, ubi ordinarie vinum bibitur; quod Argentorati non semel observavit in Praxi. Cerevisia etiam recens nec defœcata, sed multum lupulata, Aquæ etiam Palustres, salis, Nitrosæ, Inedia itidem multum hic conferre possunt. Cæcarum vero Hæmorrhoidum causa sunt Cibi κακόχυμοι, δύσπεπτοι, crassum, limosum, fœculentum & Tartareum succum suppeditantes, concoctu difficiles noxiamque conjunctam habentes qualitatem, in nimia etiam copia ingesti, quando corpus nulla habita ratione vel temporis vel ordinis &c. vario ciborum genere ad satietatem usque repletur, e quo ventriculi calor obruitur, acidum enervatur, chylus corrumpitur, vitioso sapore & qualitate imbuitur, cruditates variæ cumulantur, obstructions indeque sanguinis in parte stagnationes suppressionesve oriuntur tales. In specie huc facit Panis è vitioso frumento, nec rite pistus, fermentatus & coctus, vel calidus nimis, prout ex furno extrahitur, comestus, pultes item avenaceæ, item carnes annosæ, boum aratorum, vaccarumque vetularum, anserum, anatum, porcorum, piscium in limosis aquis degentium, olera & legumina, lentes, pisa, fungi, farcimina, caseus vetustus, & lacticia, ingesta alia viscida, acida, aliaque alimenta quæ refrigerandi, incrassandi & obstruendi vim habent, inprimis & nimius bellariorum, sacchari mellisque usus, qui sanguini lentorem & visciditatem simul imprimere solent huc pertinent. Præterea inter potus sunt, cerevisia crassa fœculentaque, vina rubra styptica, austera, crassa, tartaro copioso imprægnata; aquæ limosæ, palustres, residues
atque

atq; stagnantes, paucus vel nullus potus, vel nive seu glacie refrigeratus, parcior denique victus symbolum suum ad Hæmorrhoides suppressas conferre solent. Quantum ad conservandam valetudinem & inducendos morbos Motus & Quies queant, id prolixè exponere non opus : Motus enim nimius, exercitium corporis immoderatum, equitationes vehementiores & succussoria, cursus violentiores, curruum rhedarū, vehiculorumque attractiones, graviorum ponderum gestationes, saltationes assiduæ, longæ stationes, nimius in exoneranda alvo conatus, vehementes & magni in partu difficili labores, aliaque quæ humores fundunt, sanguinemque impetuosius commovent, & cum *ρῶπῃ* raptu quodam in *ὀργασμὸν* vehementiorem movent, ad Fluxum Hæmorrhoidum disponunt. Sicut LAZAR. RIVERIUS *Cent. 1. obs. 45.* meminit cujusdam bilioso corpore, qui ex nimia animi & corporis commotione arteriis mesaraicis apertis sanguinem *ὀνὼ καὶ κάτω* rejecerit. Quies vero immoderata, vitæ otiosa & sedentaria, intermissaque corporis exercitatio, dum recrementis corpus adimplet, vitiosis humoribus ansam præbet, calorem nativum obtundit, chyli distributionem sanguinisque circulationem paulisper remoratur, cæcarum Hæmorrhoidum occasio fieri potest. Unde & ob vitam sedentariam, multorum morborum matrem, literati etiam Hæmorrhoidibus magis propterea subjecti dicuntur. Affines hisce sunt Somnus & Vigiliæ, hæ enim dictatore HIPPOCR. *Sect. 2. aph. 3.* Si modum excedant, malum, quatenus iis spiritus in continuo sunt motu, humores æstum concipiunt, sanguis quasi inflammatur & Cholericum temperamentum induit, fluxus causa sunt; dum vero calor natus nimis dissipatur, coctiones turbantur, & cruditates multæ coæcantur, suppressarum Hæmorrhoidum causa sunt. Somnus pariter excedens cæcis occasionem subministrat, dum continuo & nimio somno excretiones & evacuationes quæ fieri deberent, sistuntur, nec humorum distributiones rite perficiuntur, sed copia vitiosorum pituitosorumve collecta; per valorum angustos meatus tardius transeundo, obstructions tenaces atque tumores infert. Animi quoque Pathemata multum hic contribuunt, quæ quantum ad corpus nostrum alterandum alias faciant, satis superque notum est. Ira præcipue, dum sanguinem

D

concit,

concitat, humores & totum corpus exagitat, spiritusque nimis commovet, vasa Hæmorrhoidalia referare potest, uti exemplum tale profert D. PETR. CHRISTOPH. Stockhausen / in *Disp. sua Inaug. de Hæmorrhoidibus Helmstad. anno 1670. habita* §. 31. de Viro 40nario qui sæpius ad iram concitatus, die statim subsequenti de gravativo sinistri hypochondrii dolore & murmure circa umbilicum conqueri cœpit, unde sub noctem sæpius surgere alvumque excernere coactus, die vero tertio ingruente, Hæmorrhoidali fluxu laborare cœpit, hinc Hæmorrhoides ei sæpius postea post iram obortam fluxerunt, similiter & FRANCISC. HILDESHEIM *Spicileg. 2. d. morb. cap. p. 243.* Terror, verotimor, tristitia mœror, metus, ob sanguinis ad interiora recursum, ibique sufflamine quasi facto, nonnihil subsistentiam, uti evacuationes sanguineas per uterum aliasque partes fieri consueatas, ita & hic hæmorrhagiam anisistit & suppressionis causa est. Devolvimur ad Ultimum in 6. rebus non naturalibus, ad Excreta scil. & retenta, & imprimis fœces alvinæ in causa solent esse, si separationes ab humoribus alibilibus & excretiones earum non rite fiant, tamdiu enim totum corporis systema bene se habet, ubi hæ & aliæ quæ fiunt, per Urinam, sudorem, uterum, &c. evacuationes rite procedunt, sine earum vero suppressio vel pr. n. effluxus contingat, tunc corpus ægrotare necesse est. Quæ omnia quomodo præsentis affectus causæ existere possint, cuique facile est concipere.

§. XX. Huic classi annectimus merito externa, imprimis medicamenta vehementiora, calidiora, acria nimis & stimulantia, intempestive & non debita dosi exhibita, qualia sunt omnia purgantia valida & δρασινότερα intempestiva & immoderata, inter alia crebrior ipsius Aloës usus à plerisque Auctoribus suspectus haberi solet, ob vim ἀνασφουρωτικήν præcipue Hæmorrhoidum ora aperientem, quam possidere eandicunt. vid. SENNERT. *prax. l. 3. part. 2. cap. 13. quæst. 2. & alii.* & ut FONSECA *Consult. 27.* ait. Pilulæ de Aloë Hæmorrhoides adeo inducit, ut ex centenis his pilulis utentibus nonaginta Hæmorrhoidibus laborent, unde ob frequentē harum pilularū usum, Venetiis, Patavii & aliis Italiæ locis Hæmorrhoides frequentes esse dicunt. & P. CHR. Stockhausen / *l. c. §. 13.* putat, quod hæ pilulæ causa fuerint, ut plures

ut plures Francofurti quam alibi Hæmorrhoidali fluxu correpti sint. Verum hoc non Aloë solum, sed quibusvis aliis purgantibus magis resinosis est commune, ut in dispositis Hæmorrhoides concitent. Unde MANARDVS in *Epist. Medic. l. 12. Ep. 3.* è potu Rhabarbari in viro id observavit : quod de Sennatis & scammoniatis quoque à se observatum dicit SCVLTVS *Ar. mam. Chirurg. obs. 76.* Præterea id faciunt suppositoria acria, crassa, valde stimulantia, clysteres etiam acres, medicamenta Urinam & menses moventia, spiritus vini sorbitio frequentior, acidulæ acriores, Chocolatæ, vid. FRANCVS *disp. d. Hbus p. 16. 17.* aphrodisiacorumque valde stimulantium usus, fumus quoque Tabaci, externa item varia, charta piperacea, unguenta calida nimis, pinguis, laxantia, aperientia, emollientia, diutius & nimis incaute applicata, item frictiones, & quæ alia huc invitare sanguinem vel præsentem ad effluxum citare valent, imò omnia quæ vim habent vasa incidendi, rumpendi, dividendi, contundendi, continuumque istorum quovis modo solvendi. Contraria autem, medicamenta puta adstringentia, incrassantia, refrigerantia tum interna tum externa, balnea aluminosa nimisque frigida, immersio pedum vel corporis in aquam frigidam, vel diuturnior in ea mora obstructionem & cæcas Hæmorrhoides causantur.

§. XXI. Progredimur ad tertiam rerum Medicarum classem, quæ agit de REBUS PRÆTERNATURALIBVS, quarum cum ingens sit catalogus, brevitati studentes, nolumus esse prolixi. Sufficiat indigitasse peccare hic ut plurimum vel ἰδιόσυγκρασίαν individuaalem, (quando ob modum motumve sanguinis specialem ipsa natura affectat & inclinat ad hunc fluxum) variam itē malam viscerum, Lienis præcipue & Epatis malam dispositionem constitutionem, Intemperiem vitiatam stomachi, quatenus chylum gignit aquosiores, Renum, quatenus minus evacuant laticem aquosum superfluum, ulcera præterea in intestinis & rupturæ, Diarrhœæ, Dysenterix, Tenesmus, Scorbutus, malum Hypochondriacum, mensium lochiorumque suppressio s. imminutio, viscerum & vasorum variæ obstructiones infarctionesque, Hæmorrhoidum excedentium curatio ἀναστος facta, Tussis, sternutatio, vomitus violentus, (Inordinati spasmi & quasi convul-

fiones fibrarum nervosarum seu motricum in vasis sanguiferis præcipue arteriosis, fluxus etiam causæ quod fieri possint non dubitat DOLÆVS *Encycl. l. 3. c. 10.* vid. & THOMAS WILLIS *de Medic. operat. sect 3 c. 2.*) Omnes denique morbi vel Intemperiei, vel malæ conformationis, vel solutæ unitatis, vel symptomata, quæ sanguinis acrimoniam, caliditatem, effervescentiam; vel crassitiem, viscositatem, tardioresque ejus motum conjunctum habent Hæmorrhoidum causa esse possunt.

§. XXII. DIFFERENTIÆ horum affectuum peti solent, & quidem principales vel ab ipsa formali ratione, quæ constituit vel fluentes vel dolentes, de quibus §. 5. vel à situ, loco, origine & parte affecta uti in §. 6. videre licet; vel à causis, de quibus §. 11. 12. & seq. videndæ sunt; relictis differentiis autem, quæ vel à numero apertorum vasorum vel tumentium; vel à duratione, ipsius vel fluxus vel tumoris, vel doloris; vel à constitutionis & moris ratione, dum aliæ mites benignæ, vel malignæ sunt, de quibus vid. FROMMANNVM *l. c. pbl. 26.* vel à motus ratione, dum aliæ facillime & levissima aliqua de causa seu fluunt seu supprimuntur, aliæ difficulter & non nisi ubi vehemens causa movens adfuerit; vel à figura, quam in tumescentes Hæmorrhoides acquirunt, & aut verrucæ, morales, uales, ficales, aut vesicales audiunt, desumuntur; notamus insuper differentiam quæ à magnitudine est, dum pro majore vel minore humorum affluxu, varie intumescunt & protuberant; tumor enim hic in insignem magnitudinem sæpe excrescit, adeo ut referat LINDANVS in *Collegio super Hartmannum*, se observasse Hæmorrhoides Cæcas in tantum tumorem auctas, ut pugni instar extra anum foras prominerent. vid. ETMÜLL. *p. m. 153.* & Vesalius in dissectione quodam cadavere venam sub recto intestino excurrentem, pollicis quasi crassitiem superasse observavit. Porro à termino temporis sunt Hæmorrhoides vel recentes, quæ modo adoriuntur, seu quibus nunquam antea homo laboravit, aliæ inveteratæ, quibus jam à longo tempore ægrotans sæpius torqueri solebat. Nonnullæ sunt periodicæ, ordinatæ, quæ certa periodo & constituto quasi tempore recurrunt, quædam, vel mensibus singulis, vel semestri, bimestri, trimestri vel annuo spatio, vel amplius

amplius porro recurrentes affligunt, uti ex supra §. 17. allegatis observationibus videre est; quædam sunt erratica, inordinata, quæ nullum certum recursus sui tempus observant, modo enim citius, modo tardius redeunt, nonnullis vix semel atque iterum prodeunt, ^{act} ~~aut~~ perpetuo delitescunt, aliis naturæ conatus suo tempore tantum exoritur, in actum vero non deducitur. Aliæ sunt hæreditariæ, de quibus SCHENCK *l. 3. obs. 156.* ait. *Comites novimus certa familia, qui ex ordine Hamorrhoidibus laborant: & tamen leti vivunt, discurrunt, inquieteque se gerunt, quo citius ab iis liberentur, venis ad excretionem stimulat* *is irritatisque, sic Scholiogr. ad c. 55. l. 1. Holler.* Hæmorrhoides quibusdam familiis consuetas esse refert, vid. SOLENANDER *l. 4. consil. 20.* ANDR. CNOEFFEL. *in Theoph. Bonet l. sapius citato l. 3. c. 16.* Ratione Excretorum vel effluxus sanguinis est nimis creber, sæpiusque recidivans, vel copiosior nimis & in magna quantitate, sic JO. BAPTISTA MONTANVS *consil. 158. p. m. 368.* quandam vidit fluxum Hæmorrhoidum admodum excedentem passam, qui in principio confertim consuevit fluere in maxima copia, ita quod quandoque effluerint 25. libræ, quandoque vero 10. quandoque 12cim. RHODIVS *Cent. 2 observ. 93.* notat Patavii Clericorum regularium ministrum, cui supra iomum jam annum per Hæmorrhoides quotidie sanguinis fere quatuor uncia manabant, &c. pariter mulierem ibidem suppressis menstruis quatuor mentes integros ultra quatuor sanguinis uncias excrevisse quotidie per Hæmorrhoides, adeoque hoc temporis spatio libras unde triginta. Et fere fidem superat, quod recenset PANAROLLVS *l. c. obs. med. 46.* de Nobili Hispano, qui quotidie libram sanguinis, quatuor ab hinc annis per Hæmorrhoidales venas excrevit, optimaque fruitur valetudine, quod si computum institueremus ultra mille & 400. sanguinis libras ei effluxisse necesse esset. Nec prætereundum hic quod testatur TRITHEMIVS *Chron. Sponheim de anno 1349.* quod immodico Hæmorrhoidum profluvio multa hominum millia maxime in Alemannia perierint. vid. & ZACVT. LVSITAN. *Prax. Med. adm. l. 3. ob. 59.* Alius contra sanguinis effluxus est imminutus, ubi minus quam par est, & quam ipsa corporis constitutio requirit, evacuatur. Ratione qualitatis, vel effluit san-

guis purus, vel impurus, biliosus, serofus, melancholicus, adu-
rsus, putridus, foetidus, acris, vel materia alia lutulenta, &c. ut
superius in §. 12. dictum. Ratione modi excernendi & sympto-
matum variæ etiam sunt differentiæ. Aliæ enim fluunt cum ma-
gno impetu & vehementia, & largiter, aliæ guttatim c. f. sine
dolore. Inter cæcas aliæ sunt cum exulceratione, procidentia,
inflammatione, ardore, febris, vel aliis symptomatibus gravio-
ribus morbisq; stipatæ, aliæ nihil tale secum conjunctum habent.
Aliæ sunt spontaneæ, aliæ non spontaneæ, aliæ Criticæ & sym-
ptomaticæ, seu salubres vel insalubres, sed de his satis.

§. XXIII. Relictis differentiis, ordinis ratio requirit, ut
ad SIGNA pedem promoveamus, quorum doctrina & scien-
tia Medico quam maxime necessaria, certus enim prius esse de-
bet de morbi ipsius cum præsentis tum futuri idea statuque, an-
tequam ad curationem ipsam se accingat, uti non intellecti nul-
la est curatio morbi, ita quo melior quis est in cognitione, eò
felicior & in curatione. Sunt autem SIGNA DIAGNOSTICA, quæ
vel imminensem vel præsentem morbum demonstrant, vel par-
tem affectam dijudicant, vel causas ex quibus oriatur, nobis ob
oculos ponunt, vel denique ab affectibus consimilibus illum nos
distinguere docent. *Signa præsagientia* imminensis affectus Hæ-
morrhoidum magna è parte cognoscuntur è malo hæreditario,
si Parentes sc. eo vitio fuerint obnoxii, è dispositione naturali vi-
scerum & membrorum vitiosos humores generantium vel non se-
cernentium, v. FOREST l. 23, obs. 5. *Schol* è plenitudine præce-
dente, & victus ratione prægressa, ex æstu & gravedine circa spi-
nam dorsi, dolore & tensione lumborum & motu in abdomine,
pruritu ani & dolore præcedente, oris ventriculi rosione, ali-
quando oculorum aliquali inflatione, anhelitu difficili, inappe-
tentia, ructuum frequentia, capitis gravedine, sommolentia, in-
somnia turbulenta, spontanea artuum lassitudine, & aliis signis,
quæ modo plura modo pauciora, graviora vel mitiora sunt, pro
diversa causarum, subjecti, temporis, ætatis, &c. ratione. Imo
color faciei rubentis vitiat, & ut plurimum cachecticus, &
ad viridem colorem declinans, ita ut ægri lètero quasi laborare
videantur, præcipuum est signum vel imminens vel præsen-
tium Hæmorrhoidum, & hoc solo signo inductus FORESTUS

7. c. in multis aliquando advertens, eos Hæmorrhoidibus laborare c. magno artis honore pronunciavit *Hæmorrhoidum fluentium* signa ut enarrentur, fere non opus, sæpe enim sola sufficit ægro-
tantis vel aliorum adstantium relatio, imprimis fluxus ex excretis
cognoscitur; Sanguinis enim rejectio fit ante vel post fœcum
alvinarum excretionem, aliquando cum fœcibus ipsis excernitur;
Sanguis vero profluens plerumque primo est niger, fæculentus
& crassus, guttatim & destillando quasi, rarius cum saltu vel quasi
siphone effluit, post bonus apparens, rutilus tandem, citrinus &
pallidus, vid. STRAUSS, *Pal. Med. pr. 3. γυναικ. 9. §. 9.* non-
nunquam albus instar spermatis fere ranarum, vel alterius cu-
jusdam coloris, uti ex §. 12. videre est, deprehenditur etiam flu-
xus in chartaceo inferioris gutturis emunctorio, seu cum tergi-
mus anum panno lineo, eum sanguine commaculatum videbi-
mus. Sentiunt præterea ægri fluxu præfente in dorso & circa co-
xendicem dolorem gravativum cum tensione abdominis, dolor
etiam in ano ingravescit cum alvum deponit æger, non tamen
talis est, qualis in dysenteria; pulsus quandoque mutatur è ma-
gno in parvum valdeque obscurum, præcipue si immodicus sit
fluxus, tum vires labascunt, & prosternuntur, crura fiunt inha-
bilia & imbecillia, & fœdus subsequitur corporis color. v. RI-
VER. *Prax. l. 3. c. 10. Cæca Hæmorrhoides* cognoscuntur ex in-
tumescencia, sanguinis, affluentis potius quam effluentis; tuber-
cula sunt modo dura, mollia, rubra, modo Uvæ granis seu aliis
vid. §. 22. similia, dolor est ardens, pulsans quandoque & lanci-
nans, punctorius nonnunquam, modo remissior modo gravior,
plerumque autem est valde atrox, ob partes maxime sensiles sum-
me distentas, & ob acrimoniam humorum spiculis suis mem-
branosas partes vellicantium. Sentitur & ani pruritus, & ponde-
ris circa sedem sensus ac molestia cum excernendi difficultate,
adsunt insomnia turbulenta, tumor post duriorum scybalorum
dejectionem extuberat inæqualis, aliquando ovi columbini imo
gallinacei magnitudinē, & quidem nonnunquam cum inflamma-
tione conjunctam accedit; ægri nec rite sedere nec rite decumbe-
re sæpe possunt, sed inordinate se præ dolore, quo quidam im-
misericorditer afficiuntur, movent, & nonnunquam ob magni-
tudinem

rudinem mali procidentiam ani cum tenesmo patiuntur, & alvum fere plerumque habent obstructam : quibus autem diutius Hæmorrhoides suppressæ manent, iis postea solent præcordia inflari, ut difficillime spiritum trahant, nonnunquam facies, potissimum partes, circa oculos tumore attolluntur, pedes inflantur, symptomataque alia quæ in suppressione mensium etiam conspiciuntur exoriri solent. Quoad partem affectam, an interna vasa in Cæcis afficiantur, non statim palam fit, nisi anus violentè per clamorem vel spiritus retentionem exprimatur, vel invertatur intestinum, aut speculum ani adhibeatur. Externa si afficiantur, visu tactuque facile percipiuntur & cognoscuntur. In Fluxu ex internis prodire volunt sanguinem nigrum & retortidum, impurum & fæculentum, cognosci etiam è læsione stercoris exeuntis & ex aliquali pondere & pruritu illarum partium. Ex externis dicunt fluere sanguinem floridum & rubicundum (rationem dedere veteres, quia hic è cava ille è vena portæ fluit, &c. vid. SOLENANDER *consil. 20. sect. 4.*) externas etiam minus molestas esse & commodius tractari posse. Verum relinquimus hæc suis auctoribus cum incerta sint, nec ratione & experientia satis fundata. Et quis ? *in re quam pudor patientis & nausea medentis curiosius rimari prohibet, id certo statuere ausit, an ab internis an vero ab externis, sanguinis profluvium, oriatur venis, & Medicum non moratur, modo mediocritatis normam cum eupopia teneat. Majoris momenti est nosse, an præter fluorem ulcus adsit, dolorem atrosem fovens.* vid. FROMM. *l. c. pr. 1. pbl. 42.* RONDELET. *meth. cur. morb. c. 23.*

§. XXIV. Quod DIAGNOSIN CAUSARUM attinet, & quidem externas causas, circa eas immorari non opus est, cum ex ægri vel adstantium relatione haberi possint, internæ potius rimandæ causæ, quæ humores sunt, circa hos enim præcipue versari debet Medicus. Si ergo à sanguinis quantitate & copia Fluxus vel suppressio Hæmorrhoidum orta sit, tum præcessere causæ sanguinem copiosum suppeditantes, victus liberalior, lautior, pleniorque, ætas est juvenilis, vita sine curis, aliaque similia, venæ sectio alias consueto tempore instituta intermissa, vel alia aliqua sanguinis evacuatio, per nares, uterum, &c. suppressa; patientes in principio leviter ferunt, alacrioresque fiunt, postmodum
vero

vero perseverante fluxu nimio debilitantur, ac vires eorum quam maxime dejiciuntur, vid. RIVER. *Prax. lib. 10. c. 10.* Si vero sit à sanguinis qualitate vitiata, tum præcessit & præsens adest corporis constitutio cacochymica, dolor, pruritus insignis, alia-ve urgent; & si à Bile, tum præcessere Causæ bilem generantes, item inedia diuturnior, ita, temperamentum est calidum & siccum, ætas juvenilis & virilis, ætas, sanguis magno impetu effunditur, & effusus colore est rubro, veluti flammeo, & bile tincto, faciei color ad citrinum vergit, vigiliæ magis infestant, dolor est acerbus & mordax, calor & ardor circa anum acrior percipitur, aliquando appetitus deficit, sitisque magis affligit. Sin à melancholia, tum dolor in ano & coxis est magis gravativus, faciei corporisque color est plumbeus, lividus & fuscus magis, æger tristis, taciturnus, ætas virilis, & declinans, &c. Sin à sero, tum dolor est acerbus, mordax, pungens & lancinans, facies vel pallet vel nonnihil rubet, pro diverso particularum in sero dominio; causæ serum generantes præcessere, vel evacuationes seri per Urinam, per poros cutis, perque alia emunctoria fieri consuetæ suppressæ: id quod effluit est aquosum, tenue, seu refert aquam citrinam, vel aquositatem quandam lotivam. Sin à Pituita, tum signa pituitæ in corpore dominantis aderunt, minor erit dolor, corpus albidum, excreta quoque nonnihil alba apparent. Si à Flatibus malum dependeat, tum dolor saltem erit distendens partes absque tamen gravitate. Apertionem vasorum per resudationem factam fuisse dicunt, si sanguis sit aquosus & tenuis. Ruptionem factam esse indicat & sanguis paulo crassior, & copiosior, & magis floridus cum corporis plenitudine & continuo effluens. *Ἀναστόμωσιν* vero, quando sanguis per intervalla & quidem tenuis magis, & guttatim quasi defluat, & magis cum redduntur excrementa alvi, indicatur etiam si absque prægressa causa aliqua manifesta, libere & sine ullo impedimento, & absque præcedente vel conjuncto dolore, excepta tensione, fluat materia. Si per atrosionem seu *διόρσιν*, tum præcessit ulcus circa sedem, fluor est mordicativus cum portione saniei, vel materiæ crassioris & quidem in majori quantitate & sine compressione, vid. FOREST. *l. 23. obs. 5. Schol.* præcessit sæpius acriorum clysterum vel suppositoriorum usus, vel hirudinum

inepta fuit facta applicatio. Si Malum vero sit à visceribus male affectis, vel per *συμπάθεια*, aliarum partium in corpore, tum id è propriis ipforum locorum signis erua t. ur.

§. XXV. A COGNATIS AFFECTIBVS, & quidem à Fluxu Hepatico sic dicto quomodo distinguatur, videatur FROMMAN. *l. c. pr. 1. pbl. 45.* & DOLÆVS *Encycl. l. 3. c. 10.* A Tenesmo differt, quia sanguinis exitus hic non fit cum expressione, fori conatu & continua dijudicandi cupiditate, sicut in tenesmo fieri solet, ubi etiam nihil præter mucosum quiddam & subcruentum egeritur. A sanguine dysenterico differt, ut FOREST. *l. 23. obs. 5. Schol.* ait, quia nec mixtus est cum fœcibus, neque exitum ejus dolor & tormina ventris gravissima præcedunt. A fal-laci scorbutica sanguinis evacuatione Hæmorrhoidum fluxus ut distingui debeat, docet ETTMÜL. *p. m. 153.* Quomodo à reliquis affectibus cognatis, v. g. à Condylomate, Rhagadibus, Thymis, Ficis, Cristis, aliisque tuberculis in ano excreſcentibus differant, & quomodo distingui debeant, non puto opus esse ut in chartam conjiciantur, videri hac de re possunt, FORESTVS *l. c.* & RIVERIUS. *l. 10. Prax. c. 11.*

§. XXVI. Offerunt sese nunc SIGNA PROGNOSTICA, quorum ope Medicus suæ famæ & ægrorum saluti quam optime consulere docetur, iisque morbi Eventum, eventusque modum, vel ipsi ægrotanti, vel si è ratione non erit, ipsis adstantibus curamve ejus, gerentibus, prædicere potest. In antecessum autem notandum, quod liceat Hæmorrhoides constitutionem corporis nunquam plane perfectam, sanam atque laudabilem arguant, colligere tamen nonnunquam exinde possumus constitutionem adhuc laudabilem, si non simpliciter, tamen secundum quid, si non ratione materiæ, tamen ratione causæ; quæ est naturæ vigor & laudabilis conatus, qui vitiosos melancholicos, adustos, fæculentos, œconomia animalis infestos, humores, pro incolumitate totius excernere, & extra corpus proſcribere tentet, eo-que plurimos morbos præcavere studeat. Curantur autem facile, si fluxus, seu Tumor, seu Dolor, sit recens, si à causa aliqua externa, si sponte vel remota causâ, vel levibus adhibitis remediis malum cesset, si naturæ vel ætati secund. HIPPOCR. *f. 2. aph. 34.* sint convenientes, si vasa externa tumeant, vel sanguinem fundant,

dant, & ἀνατόμωσιν seu διαπύδνσιν passa sint. Difficulter vero curantur Hæmorrhoides, ubi vasa interna affecta & διαίρεσιν passa, vel fibrarum arteriosarum διάθεσις spasmodica adsit: cum enim pars sit valde sensibilis, & facile irriteretur ab acris mordacibus & duris per eam transeuntibus fœcibus, respuatque phar-maca item talia, eaque non apte applicari possint, etiam cum diu ibi non morentur, curationem faciunt difficiliorem. vid. FOREST. l. c. Difficilis etiam sunt curationis, si incidant in corpus morbosum, cachecticum, variisque jam aliis morbis, symptomatibus, & hæmorrhagiis vel uteri, vel narium diu vexatum, si in senes, imo difficillime si in senes decrepitos, si in eos quibus Hæmorrhoides à juventute vel à longo jam tempore fuerant consuetæ, & inveteratum quasi factum malum, vel hæreditarium sit, vel si gravissima conjuncta sint symptomata. Reliqua prognostica, an facilis vel difficilis sint, curationis Hæmorrhoides fluentes vel furentes, petantur è causarum morbificarum numero, dispositione ipsius ægri, parte affecta, aliisque accidentibus.

§. XXVII. In specie quod Fluxum Hæmorrhoidalem attinet, is si moderatus, tempestivus, & cum levamine ægri sit, si evacuatur quod evacuari debet, tum sæpe ad SALUTEM ipsius ægrotantis à natura bene operante instituitur, & vulgarem denominationem venæ aureæ merito meretur, iis enim recte fluentibus, plurimi morbi, à Melancholico & atrabilario humore derivati, & curantur & præservantur, id quod & HIPPOCRATES sect. 2. l. de humor. pag. m. 65. jam docuit, quando sc. ait. *Qui sanguinem per ora venarum, quæ in ano sunt profundere solent, ii neque lateris dolore, neque pulmonis inflammatione, neque ulcere excedente (phagedenam vocant) neque furunculis corripuntur, neque tuberculis, quia à cicericis similitudine therminthi dicuntur, ac forte ne lepra quidem, fortassis vero neque vitiliginibus. Intempestive tamen curati multi, non ita multo post hujusmodi morbis correpti sunt, atque ita perniciose habuerunt.* Ratione curationis salutaris est fluxus, dum plurimos solvit morbos. Sic JOH. MATTHÆUS & FABRICIUS HILDANVS fatentur, Cephalæam & Hemisraniam apertione harum venarum sedatam fuisse. ARGENTERIUS l. c. inquit. Insaniam delapso Humore melancholico ad tibias excitatisque varicibus, vel apertis venis in ano, ab

excitato in liene tumore, vel facta per intestina excretionē, sanata. teste SCHNEIDERO *de catarrhis lib. 3. cap. 7. p. 269.* Melancholiæ maximum remedium esse fluxum Hæmorrhoidalem statuit GALENVS *aph. 25. sect. 4. vid. & HIPPOCR. sect. VI. aph. 11. §. 21.* DOLÆVS *Encycl. l. 1. c. 7. pag. 100.* ait. In Cataplecticis Hæmorrhoidum fluxus alias inluctus superveniens salutatis. Boni ominis quoque solet esse hic fluxus in apoplexia, epilepsia, angina, pleuritide, &c. item in tabe, quæ teste RHODIO *Cent. 2. observ. 9.* Hæmorrhoidum fluxu declinata fuit; & eodem *Cent. 1. obs. 65.* notante, BENEDICTVS SYLVATICVS quendam nobilem Patavinum, apertis quovis mense venis Hæmorrhoidalibus ab Epilepsia liberavit. Et ADRIANUS SPIGELIUS teste SCHNEIDERO *de Catarrh. l. 4. c. 3. p. 365. §. l. 3. c. 7. p. 270.* ait. *Et nos ipsi in Germania olim vidimus, à falso catarrho molestatos, fuisse viros nobiles, sanatos tamen postea ex Hæmorrhoidum larga fluxione, ut propterea existimem non modo melancholiam, sed falsam etiam pituitam, & bilem, per Hæmorrhoidas purgari consuevisse, & l. 4. p. 170.* ait. Quid eo suppresso sæpe catarrhus pectoris aut capitis redit, aut sponte ingruit homini. Similiter malacia in quodam scabie foedato, oborto Hæmorrhoidum fluxu sanata, ut notat RHODIUS *Cent. 2. observ. 57.* Ita cuidam cardialgia laboranti apertæ Hæmorrhoides maxime fuere salulares, ut scribit FOREST. *l. sapius citato.* Sic varieibus lieni indurato, & arthritidi, hæc evacuatio utilis est, & prædixerat cuidam FORESTUS *l. c.* articulari dolore afflicto, apparentibus Hæmorrhoidibus consuetis iisque fluentibus, statim eum ab omni dolore articulari liberatum iri, nec eum fefellit sententia. Sic & salutaris in vomitu cruento, sputatione sanguinolenta, hydrope, in nephritide renumque passionibus aliis, uti FORESTUS quoque *l. c.* annotat quendam nephritide laborantem, in quo apertis consilio Hæmorrhoidibus incredibili celeritate dolor conquieverit. In Hypochondriacis utilem Hæmorrhoidum fluxum fuisse observavit, HOECHSTETTER *Decad. II. observ. 2. §. Decad. V. obs. 2.* In vomitu spleneticorum vid. ETTMÜLL. *p. 123.* In Scorbuto, v. DOLÆVS *Encycl. lib. 3. c. 12. p. 563. 2.* Pariter gravidis Hæmorrhoides utiliter fluxisse iisque subsistentibus pejus se ha-

se habuisse monet SENNERTUS *lib. 3. prax. pr. 2. sect. 2. c. 13.*
& SCHOLIOGR. *ad cap. 55. l. 1.* HELLER. *de morb. intern.*
Ita & viduis aliisque loco mensium commode fluxisse Hæmor-
rhoides expertum. In salutem quoque vergunt iis, quibus tu-
bercula & maligna ulcera exoriri solent. vid. FORESTUS *l. 23.*
obs. 3. vulnera quoque, si ægre, vel non ad consolidationem ve-
niunt, apertis Hæmorrhoidibus curantur, ut observavit Jo. A-
GRICOLA *Chirurg. parv. T. 1. p. 9.* contra vero suppressio Hæ-
morrhoidum vulnera & ulcera reddit minus sanabilia, sed potius
incurabilia. Liberat præterea fluxus à quartana, item à febre pe-
stilenti, ut ORIBASIVS refert, se hoc morbo correptum, detra-
ctis per venas inferiores sanguinis libris duabus convaluisse, &
omnes qui eodem remedio usi essent, liberatos fuisse. /

§. XXVIII. MALI OMINIS vero est, & in *pejus ruere*
rem indicium est, si fluxus sit symptomaticus, & nimius, & copio-
sior, diuturnior, & impetuosior, si malignitas quædam subsit,
si nullis aptis remediis fluxus se sisti patiatur, ubi tum similia
symptomata quæ ab aliis nimis hæmorrhagiis oriri solent, ægrum
affligunt, utpote virium lapsus, profusio caloris nativi, imbecili-
tas crurum, & partium totius corporis, omnium viscerum, præser-
tim hepatis refrigeratio, concoctio læsa, vividus faciei color perit,
oculorum acies hebetatur, gravitas percipitur in coxis, appetitus
perit, ita ut cibum aversetur æger, vel acceptum difficulter ferat,
succedit universi corporis lassitudo, tabes, atrophia, leucophleg-
matia, *ναρξία*, hydrops. vid. GALENVS *l. d. cur. rat. per. sang.*
Miss. C. 19. hydrops, ascites, marasmus s. febris hæctica, impoten-
tia ad Veneris exercitium, paralytis, apoplexia, lipothymia, v.
GALEN. *l. 1. d. art. cur. ad. Glaucon. c. 14.* & plura alia, vid. &
idem *l. 2. d. natur. facult. c. 8. Ess. 4. aph. 25.* AETIVS *tetrab. 4.*
serm. 2. c. 5. PAVL. ÆGINET. *l. 3. c. 59.* SENNERT. *prax. l. 3.*
pr. 2. s. 2. c. 13. Imo mors ipsa sæpius consecuta, quale fatum
Joannes Austriacus Caroli V. Imperatoris Filius ex cœcis Hæ-
morrhoidibus scalpro apertis expertus est, v. ZACUT. LUSIT. *Prax.*
Med. admir. l. 3. obs. 59. Sic Jacobus Horstius Medicus cele-
berimus ex inordinato hoc fluxu, succumbentibus viribus, vitam
cum morte commutavit, ut videre est apud GREGOR. HORST.
Epist

Epist. Med. sect. 10. p. 446. vid & M. A. N. C. Ann. 3. obs. 331 p. 543. & decur. II. An. 1. abs. 42. schol. p. 118. /

§. XXIX. Cœcæ seu suppressæ Hæmorrhoides quatenus deficiunt, & sanguinem non excernunt, quem excernere consueverant, vel non debita quantitate & tempore eum amplius si non excernunt, vel si fluentes intempestive curentur, tum etiam varia symptomata secund. Hipp. l. 6. Epid. s. 3. p. m. 1065. oriuntur. In iis enim, in quibus sanguis vel quantitate peccans evacuari solitus est, & qui hoc profluvio imbelliores non facti, purgationem hanc, non ut morbum habebant, supprimitur, violentiori tum hac suppressione in corpore coacervatus & turgescens, qua data porta exitum molitur, aut inclinâtâ, in præcordia ac viscera, impurâ & vitiosâ materia, gravissimis morbis corripit ipsum corpus, obque hanc causam iis correpti male se & perniciosè habuerunt: uti exempla horû allegat Hippocr. loco sapius citato. Sic Galenus lib. 2. de natur. facult. c. 8. & c. 6. de Venas. advers. Erasistrat. à suppressis Hæmorrhoidibus meminit hydropis, videatur & Hippocr. sect. 6. aph. 12. A suppressis Hæmorrhoidibus Infaniam ortam fuisse, ex Hipp. 4. Epid. Alcippi historiâ confirmatur. Lassitudinem, sanguinis mictum, paralyin, ab Hæmorrhoidibus singulis mensibus alias fluentibus suppressis ortâ vidit, v. Gvil. Fabricius Hildanus Cent. 2. observ. 17. Mictus sanguinei exemplum dedit nobis Thom. Reines. Epist. 44. ad Nest. Hydropem interdum nasci ex Hæmorrhoidibus internis non fluentibus notat Jo. Rhodius Cent. 3. Obs. 5. v. & Rolfinck. Epit. Meth. cognos. part. corp. h. affect. l. 3. c. 9. dedit & exemplum hydropis & mensium obstructionis Frid. Lossius lib. 3. observ. med. 26. Et arthritidis observ. 24. Hæmoptyses. Amat. Lusitan. cent. 2. cur. 13. & cent. 5. cur. 3. Ex suppressis etiam Hæmorrhoidibus arthritidem ortam fuisse notat quoque apud Scholtz. Crato Epist. Med. 236. Et infaniæ Zacut. Lusit. Prax. med. admir. lib. 1. obs. 46. 47. vid. præterea Galen. s. 4. Commentar. aph. 25. & s. 5. aph. 33. & comment. aph. 22. sect. 3. & Meth. med. l. 9. c. 10. Et ad Glaucon. l. 1. c. 14. & libr. 2. de prælag. ex pulsu c. 4. Horst. Epist. Med. sect. 10. Aetius tetrab. 3. serm. 2. c. 5. Jo. Jodocus Raab Disp. Inaug. d. fistul. lib. 6. & 14. Salmuth. Cent. 3. observ. 47. & Marcell. Do-

NATUS

NATUS *Histor. Med. mirab. l. 4. c. 19. p. m. 411.* Et FROM-
ir. d. Hæmorrhoidibus pr. 1. pbl. 49. Sic & oriri solet melancholia,
 paraplegia, hæmoptysis, vomitus, sanguineus, intercostalis in-
 flammatio, cordis palpitatio, tumor pedum, lien scirrhus & tumi-
 dus, nephritis, stranguria, &c. Quartanam è profluvio impe-
 dito ortam notat SOLENANDER. *sect. 4. consil. 20. pag. m. 373.*
 Nec non fistulas fieri seu ulcus fistulosum, uti JO. GEORG SOM-
 NERUS *apud Bonet. M. S. C. lib. 3. sect. 11. cap. 12.* notat; Ile-
 mentionem injecit BALLONIUS *lib. 1. consil. 63.* Pariter à suppres-
 sis Hæmorrhoidibus lethalem in Fabro ferrario alvi obstructio-
 nem observavit D REISEL *M. A. N. C. Decur. 11. An. 2. obs.*
117. Sic & THEOPH. BONET. *l. c. c. 1.* notat, à fluxu Hæmorrhoi-
 dum in illustri Fœmina suppresso per balnea vitriolata, scrophu-
 las circa collum, ac Phtisin subsequentem lethalem, idem obser-
 vavit, à fluxu hoc suppresso, quartanam, scorbutum, & mortem
 subsequentam fuisse. HOLLER *l. c.* ait. In nobili matrona quin-
 quagenaria majore deprehendimus ex Hæmorrhoidum prius con-
 suetarum suppressione cancrum in mamilla sinistra obortum.

§. XXX. *Periculosum* præterea & nonnunquam le-
thale malum ratione doloris est Hæmorrhoidum affectus, & in
 senibus præsertim dolor sæpe viam ad mortem sternit, non raro
 enim dum excernenda alvi ægri excernere volunt, propter ingen-
 tem quem patiuntur dolorem, sæpius animi deliquium incurrunt:
imo ut ETTMÜLL. pag. m. 153. ait. dum internis laborant Hæmor-
rhoidibus ex præterlabente stercore interdum tales sunt dolores, ut
convulsiones superveniant. Scio ego exemplum mulieris hoc in lo-
co, quæ, quando volebat excernere alvi excrementa, in animi de-
liquium cum faciei tumore, rubore & incalescentia incidebat, ex
iisdem Hæmorrhoidibus cœcis: simulac vero excreta fuerunt
stercora, cessabant omnia talia symptomata. Et SCHENCKIUS *lib.*
3. observ. 172. notat, quod quandoque tantus sit dolor, ut per
 sympathiam vesica afficiatur, & urinæ succedat stillicidium.

§. XXXI. Periculosum denique, curatu difficile, & lethale
 sæpe malum sunt Hæmorrhoides cœcæ, si non rite tractatæ
 gravibus stipatæ sunt Symptomatibus, vel in alium morbum de-
 generant. In his enim, ubi sanguis stagnans non discutitur aut
 dissolvi-

dissolvitur, ulteriori coagulatione induratur in scirrhus. vid. SANCHEZ *observ. p. 377.* qui refert exemplum de muliere mortua ex Hæmorrhoidibus cæcis, diuturnis; quæ ipsa post mortem dissecta, ostendit intestini recti terminum sex digitorum longitudine ad anum usque scirrhosum & induratum; simile exemplum vid. in LAZAR. RIVER. *Cent. 3. obs. 7.* de dolore & inflammatione Hæmorrhoidum in tumorem durum degeneratum. Hæmorrhoids præterea cæca & valde dolens non rite tractata omnium deterrima, in inflammationem quippe, indeque in ea, quæ eam sequi solent, apostemata, fistulas, perversa ulcera, gangrænam, aliaque vitia, imo mortem ipsam perinutari potest. Si suppurantur aut exulcerantur, fistulam sæpe in ano relinquunt, eamque immedicabilem ut plurimum, propter partis molliorem & humiditatem, quæ ulceris exsiccationem difficillime admittit, vid. RIVER. *prax. l. 10. c. 11.* FELIX PLATERUS *lib. 2. obs. p. 454.* Senem quendam & matronam ob Hæmorrhoidalium venarum internarum inflammationem & exulcerationem longo tempore divexatos, & tandem nullis juvantibus remediis extinctos se observasse scribit. Vid. & JOHAN. AGRICOLA *Chirurg. parv. T. 5 p. m. 594.*

§. XXXII. Pedem promovemus ad CURATIONEM: ad tria autem, in cura rite administranda, Indicationum genera respicere debet Medicus, ad Curatoriam nempe, ut tollatur auferaturque ipse morbus, seu dispositio præternaturalis in ipsa parte hærens, Præservatoriam, quæ causas, ut removeantur aggredditur, & denique Vitalem, seu Conservatoriam rei naturalis, quæ virium partisque roboratione potissimum absolvitur.

§. XXXIII. Quod itaque INDICATIONES attinet, illæ respiciunt vel Hæmorrhoides nimis, copiosius & immodice fluentes, quæ moderate & debito modo sistendæ, si fluxus vero earum diutius quam par est, duret, aut diuturnus sit, consuetus, & sæpius redeat, tunc is non confertim, simul, atque in universum sistendus, sed paulatim, ita tamen, ut una aperta, (si aliter fieri non potest, & natura, utut in subjecto vel statu minus naturali, ad majora mala avertenda, jam assueverit saburrâ suam hic comode evacuare,) servetur: naturæ enim minus trita via nō est monstranda facile; in curatione quippe Hæmorrhoidum attendendus semper est naturæ motus, & constitutio subjecti plus minus vel sana vel

vel morbida, h. e. chronicis affectibus plus minus obnoxia, seu habeatur semper ratio individui & peculiaris naturæ ægri, an sc. è consuetudine & stasis intervallis soleat eò modo repurgari. Fluxus vero si recens sit, à causa externa, vulnere sc. percussione, &c. si solum sit adventitius, si in ætate infantili seu puerili, tunc is sisti potest. Non autem nec nisi cum cautione, si à contracta à parentibus hæreditaria dispositione, si à causa aliqua interna, si accadat in ætate juvenili, virili vel senili, si corpus simul sit cacochymicum, si sit symptomaticus. Sin vero Fluxus sit moderatus, criticus & cum *εὐφορία* ægri, & modum teneat, tum totum negotium naturæ bene operanti est committendum. Si vero parcius fluant, motus naturæ est promovendus. Si antea fluere consuetæ erant, cum *δυσφορία* autem supprimuntur, suo tempore denuo ut fluant, annitendum, quod si id obtineri non possit, sanguis ad eas alias affluxurus est revellendus, derivandus, inflammatio prohibenda, & dolor mitigandus. Hæmorrhoides cœcæ seu dolentes, si nunquam antea fluxerint, nec ex usu sit ut fluant, nec spes sit eas esse fluxuras, tum opera danda, ut discutiantur, & exsiccentur, & quantum licet præcavendum, ne iterum intumescant; perraro enim, idque in chronicis saltem affectionibus, & in subjectis tantum tali evacuatione opus habentibus, aut eam facile ferentibus, aut alias fluentibus, aperiendæ, præsertim ubi suppressâ solenni sanguinis evacuatione, natura quasi sponte eò inclinât. Semper vero dolor earum sistendus.

§. XXXIV. Ut autem specialiter rem aggrediendo, ordine & methodice procedamus, primo INDICATIONEM PRÆSERVATORIAM seu CAUSARUM ABLATIONEM, quæ inventionem secundam, exsequutionem primam est, considerabimus; ad felicem quippe morborum curationem instituendam, nil melius & utilius quam causarum indagatio, & utinam hoc causarum scrutinium non adeo sæpissime esset abstrusum, tantisque obscuritatum nebulis obfuscatum, quod Practici, tacito pectore in curandis morbis quotidie ingemiscentes, satis superque sæpius experiuntur. Missâ factâ causâ Immediatâ, mediatas considerabimus, quæ sunt Humores. Hinc si Plethora in causa fuerit, tum omnia ea præsidia, quæ ad sanguinis abundantiam minuendam

ab Artis Proceribus extolluntur, in usum trahi possunt. Sin Ca-
 cochymia adsit, tum & ea tollenda, & minuenda, & corrigenda,
 per ea, quæ alvum subducunt, quæ vomitum, urinam, sudo-
 rem, &c. movent, & quidem educenda pr. n. humorum la-
 burra ista per loca conferentia, secundum HIPPOCRAT. *sect. 1.*
Aph. 21. Sic ratione qualitatum, si vitium conceperint Humores,
 tum alterantia contraria, corrigentia expostulant, frigidi calida, &
 calidi frigida, crassi attenuantia, salsi serosi & acres attemperan-
 tia, aquosi & tenues incrassantia & siccantia, viscidum incidentia,
 lenti detergentia, volatiles fixantia requirunt, & si malignitas
 quæpiam subsit, & alexipharmaca adhiberi possunt. Si Bilis vel
 biliosi humores copia vel qualitate peccent, Vomitus, præcipue
 si materia ad superiora vergat, sitis adsit, os amarescat, &c. ex
 HIPPOCRAT. *f. 4. Aph. 17.* imperandus, lenis etiam aliqua purgatio
 cholagoga, vel V. sectio parca & pauca imperanda, adhiben-
 daque ea, quæ bilis fervorem, impetum atque volatilitatem tem-
 perare atque coercere, ὀργασμὸν cum rarefactione conjunctum
 tollere, sulphur obtundere, & sal volatile figere atq; invertere so-
 lent. Sin pituitosus sit humor, is prius incidendus, attenuandus,
 & præparandus, præparatus è corpore per convenientes vias eva-
 cuandus. Sin Melancholia vulgo sic dicta, (scapham enim sca-
 pham libenter appellamus, ne confusio oriatur,) auctor mali
 existat, tum acrimonia ipsius & pontica austeritas corrigenda,
 & attemperanda, crassities, visciditas & Tarrarea ejus qualitas in-
 cidenda, siccitas humectantibus demulcenda, & debito modo præ-
 parata educenda. Sin serum abundet in corpore & particulis
 Salinis, acris aliisque fuerit imprægnatum, tum id per purgan-
 tia, diaphoretica, diuretica, absorbentia, invertentia, præcipi-
 tantia, aliaque, &c. evacuandum & corrigendum. Sin Fla-
 tus in causa fuerint, & ii sunt educendi & discutiendi, & causa
 ipsorum, utpote tenax & viscida & acida pituita per carminativa
 dicta, est incidenda & eliminanda. Sin vero humores motum
 excedant & depravate moveantur, tum motus humorum pr. n.
 est placandus, compescendus, turgescencia & ὀργασμὸς refræ-
 nandus, effervescentia & fermentatio indebita sedanda, accensio
 nimia sanguinis supprimenda, cordis motus impetuosior san-
 guinem nimis rapide circumpellens per sufflamenta idonea depri-
 mendus

mendus, & spirituum impetuosior motus sopiendus, ad statum naturalem reducendus, motus contrarius conciliandus, & ad alia loca humor deducendus, quod per vulgo dicta revellentia, avertentia, derivantia, evacuantiaque præsidia obtineri potest, v. gr. per purgationem blandam è Syrup. ros. solut. d. spina cervina, manna, rhabarbaro & similibus, aliquoties institutam, per Venæ sectionem in brachio, sed parcam & blandam, per cucurbitulas hypochondriis, interscapulio, humero affixas, frictiones, ligaturas partium tum inferiorum, tum superiorum, fotusque brachiorum; per opiata itidem, si dictis antea præsidis impetus ipsius sanguinis & Humorum se coerceri non sivit. Imminute qui moventur Humores, indicant quoddam adjuvans circulationem sanguinis naturalem nonnihil deficientem, motumque istius promoventem: Si enim parcius ad dicta vasa feratur sanguis, tum eo ducendus & alliciendus per V. sectionem in cruribus & pedibus institutam, per pediluvia, ligaturas, frictiones & scarificationes. Si quiescat humor *στάσις*, quiete torpescat & stagnet, tumq; ea ordinanda quæ stagnationem tollere, humores resolvere, ab acido liberare, crassitiem incidere, duritiem emollire, eos fluxiles reddere, & naturalem ipsis motum in circulum restituere possunt; vid. GVERNÉVS ROLFINCIVS *Ord. & Meth. Med. Spec. Comment. l. 4. sect. 1. c. 15.* Quod si malum sit per *συνπύκνωσην* vel totius corporis- vel particularium viscerum, utpote hepatis, lienis, uteri &c. vitio, tum curatio ad partem principaliter & primario affectam, est dirigenda, & medicamenta visceribus istis appropriata in medium sunt sumenda. *Quum ergo, ut obiter hoc è JOH. FERNELII Univers. Med. l. 1. c. 4. p. m. 181. quoad causarum ablationem annotemus, longior quedam continuatio seriesque causarum existit, in qua alia ex alia nasci & existere, & omnes inter se aptæ connexæque videbantur, suo quæque ordine demenda erit, ab ea curationis ducto exordio, quæ oritur prima investigatione vero postrema fuerit inventa. Ab hac sensim ordinatimque ad ceteras, postremoque ad morbum progressus fiet, suo cuique objecto contrario.*

§. XXXV. Causâ ergo primum ablatâ, genitus dein affectus quoque summovendus. Morbus autem hic, qui sui remotionem requirit, est uti §. 8. dictum, vel *ἀναστόμωσις*, quæ

vasorum ora claudentia, obturantia, & adstringentia, ἢ διαπύκνυναι, quæ condensantia & incrassantia, ἢ διαλεπτέαις ἢ πύκνυναι, quæ sarcotica, conglutinantia, &c. expostulat. Vel si ἑμπαξίς & obstructio adsit, tum ea per aperientia, incidentia, abstergentia, attenuantia, diuretica & diaphoretica tollenda, si σύμφοσις vero & coalitus partium, tum cicatrix & coalescentia ista erit dividenda. Sic constipatio aliaque, sui contrarium desiderant: sic & Intemperies, morbusque similis, cum vel sine organico conjunctus, per contraria erit removenda, *ita in medendi arte omnia inter se collata è regione respondere debent, ut quot affectus contra naturam, totidem & existant medicamentorum facultates, parque sit affectuum atque remedium numerus*, ut loquitur idem FERNELIVS l. c. c. 2. p. m. 180.

§. XXXVI. Ab ordinaria in morbis medendi methodo nonnunquam Medicus deviare necesse habet, si scilicet è symptomatum violentia vitæ quoddam periculum imminet: licet enim Symptomati qua Symptomati nihil debeatur, tamen cum induat aliquando naturam alicujus causæ morbificæ, vel novum morbum generantis, vel vires nimio opere prostermentis, &c. tunc illi aliquid deberur, indicatque sui ablationem. Pariter Dolor, frequentissimum in Hæmorrhoidibus tum fluentibus tum præcipue tumentibus & suppressis Symptoma, tantus nonnunquam est, ut neglecto ad tempus morbo & causâ morbificâ, adversus hoc gravissimum Symptoma stare, & generosis remediis contraire & pugnare necesse habeamus, alias invalescente hoc hoste, vires nimium resolvuntur, vigiliæ, inflammationes aliaque mala augentur, natura ad resistendum infirma, ægerque ferendo oneri impar redditur. Sedatur vero & tollitur ipse Dolor per Anodyna, Paregorica atque Narcotica, quæ & qualia autem ista sint, vid. apud ROLFINCIVM l. c. l. 4. f. 1. c. 17. GEORG W. WEDELIVM in Amœnitat. Mat. Med. MACASIVM Promptuar. M. M. aliosque. In horum autem dolorem sedantium usu (omnibus probe antea secundum prudentiam Medicam perspectis, & debito tempore, & legitima dosi, applicatis,) notandum, quod ii qui mediam hic ingrediantur viam, tutissimi, ob metum malorum & periculorum tum sibi tum ægro potissimum imminenti, incedant. Nam, ut GALENVS lib. 12. Med. Meth. c. 1. ait.

ait. *Et qui agris gratificantur in eorum medicamentorum usu modum excedunt; & intempestive immodiceque sunt animosi, dum prorsus horum usum refugiant, doloribus agros jugulant. Ergo veluti in omni totius vitæ tum habitudine quam actione, ita hic quoque consilium istud sapientis, qui, Ne quid Nimis, dixit, complectemur, habentes pro fine, quo tendamus, cubantis utilitatem.* Dolor denique etiam sedatur, animadvertentiam ægri ad alia objecta seducendo, pluribus enim intentus minor est ad singula, & sic etiam ad Dolorem sensus.

§. XXXVII. INDICATIO tandem VITALIS nec erit negligenda, quæ omnium debet esse prima: *maxima* quippe, ut GALENVS l. 9. M. M. c. 13. ait, *Dignitas ipsarum est virium; quando vivere ipsum nobis ex harum custodia constat, utpote cum vitam aut ipsas esse vires aut earum actiones sit necesse.* Pars itaque à morbo labefactata & debilitata ad statum naturalem rursus revocanda, & roboranda, ne iterum à materiæ morbificæ insultu infestetur, viscerum etiam temperamentum & tonus confortandus, humores spiritusque in sua substantia, quantitate & qualitate & motu conservandi, conservandæ & actiones & excretiones naturales, conservandæ uno verbo vires adhuc integræ, & labascentes restaurandæ, per alimenta, potulentaque imprimis & medicamenta roborantia, cordialia, specifica, visceralia, &c. Et hæ sunt præcipue indicationes, quarum mentionem iniecisse sufficiat, pergimus nunc ad ipsam auxiliorum materiam, hisce indicationibus adimplendis idoneam scilicet ad fontes triplices, è quibus ipsa auxilia pro tollendis Hæmorrhoidibus petuntur.

§. XXXVIII. Ex FONTE itaque CHIRURGICO primo loco merito petimus ipsam VENÆ SECTIONEM, quam & in nostris hisce affectibus omnino tanquam rem in salutem ipsius ægri persæpe necessariam commendamus. Administretur ergo tanquā præsidium evacuatorium, si Plethora & sanguinis abundantia effatu digna adsit, si V. sectio alias consueta in corpore sanguine turgido fuerit intermissa, vel solemnis aliqua sanguinis tum è naribus tum ex utero evacuatio suppressa sit, vel si sanguis ipse ob conceptum orgasmum vel effervescentiam, fermentationem & ebullitionem turgescat, & impetuosius moveatur. Admini-
strari

Arari poro debet V. sectio revulsionis, (utut revulsionem hanc speciose prætenfam & è nugis Galeni loquaciter delirantis natam, non tantum irritam, sed & damnosam & frequentius repetitam, periculosam æstiment quidam) averfionisque gratia (ut cum veteribus ita loquat) pro fluxu Hæmorrhoidum nimio sistendo, si vena brachii secetur; sic enim, uti quoque in nimio mensium lochiorumque fluxu compertum, præsentem hic sæpe pollicetur opem; detrahendus autem sanguis in majori quidem copia, si plenitudinis signa appareant, si nondum magna sanguinis quantitas per Hæmorrhoides effusa sit; & vires nondum attriverit, alioqui in exigua quantitate & partitis tantum vicibus erit detrahendus, vid. REINER. SOLENAND. *sect. 2. consil. 20.* In Cæcis pariter Hæmorrhoidibus pro præsidio evacuatorio instituat V. sectio in brachio, & utiliter quidem antequam aperiantur Hæmorrhoides cæcæ, præcipue in Plethoricis, uti enim PETRVS SALIVS DIVERSVS in *annot. ad libr. Altom. c. 76. p. m. 449.* ait. pro curatione Hæmorrhoidum scilicet cæcarum docet (Altomarus) secandam esse malleoli venam ex Galeno, quoniam hac Vena secta Hæmorrhoides provocat. In qua re non sit præceptus Medicus, stante sanguinis plenitudine; quoniam ex hac sectione sæpe maximo adeo impetu ruit sanguis ad partes inferiores, & præcipue ad locum affectum, ut inde peior succedat affectio, hincque viderim ego in tali casu maximas successisse inflammationes, & aliquando etiam gangrenas. Quare stante sanguinis plenitudine non secantur inferiores, sed potius superiores vena, & hoc præcipue servandum, ubi sit intentio tantum leniendi dolorem non provocandi Hæmorrhoides. Ubi enim non sit intentio provocandi eas, tutius est in omni casu secare superiores, & eò magis, si eas cohibere volumus, ut ibidem habet Galenus. Derivationis ergo gratia si provocare Hæmorrhoides animus est, in talo secunda vice, si plenitudo absit, V. sectio institui potest; consentit, GALENVS qui *l. d. cur. rat. per S. M. c. 6.* ait. At si retentæ Hæmorrhoides mittendi sanguinis occasionem præstiterint, siquidem cohibere eas voles; quæ in brachio sunt: sin provocare, quæ in cruribus consistunt, venas secare convenit. In iis, qui repressi sunt menses, semper in cruribus, nec abludit ZACVT. LVSIT. *l. c.* qui in curatione Hæmorrhoidum cæcarum sectio-

nem

nem venæ, in talo quæ est, si sanguinis missio è brachio non contulit, & purgantis clementis administrationem suadet. Quantitatem sanguinis educendam adeo stricte non determinamus, cum ista pro causæ, morbiq; magnitudine & varietate, virium, ægroti, sexus, ætatis, habitus corporis, consuetudinis, anni temporis, & regionis, &c. ratione, nunc in majori nunc in minori dosi educi possit, & interdum vel plane omitti, vel in aliud tempus ipsa V. sectio differri possit. Verum cum sanguis probe conservandus nec temere profundendus sit, consulimus cum ETTMÜL. *fol. 52.* non imitandam esse effrœnem quorundam licentiam, qui ut in sanguinis turgescencia febrili, ita etiam hic in nimio Hæmorrhoidum profluvio copiosissime & frequentissime V. sectione sanguinem detrahunt, cum potius effervescentia ista acidis moderatis v.g. julepis acidulis, nunc fixis volatilibus temperatis, (pro causæ occasionalis varietate) & præcipitantibus aliis, compescenda, & debitis diaphoreticis sanguinea Massa ventilanda esset.

§. XXXIX. SCALPELLVM seu Lancettam vulgo dictam pro aperiendis Hæmorrhoidibus cæcis ipsis ani vasis non reformidamus applicare, ipsisque ægrotantibus suadere, (dissuadentibus licet eam plurimis, ob infaustum nonnunquam successum) ut operationem hanc subeant: cum eas compungi multi sanguinis affluxu distentas novum non sit, sed sæpe cum à peritis Medicis, tum à vulgaribus usitatum. vid. M. AUR. SEVERINVS *Chirurg. Effic. lib. 1. pr. 2. c. 17.* approbat & ejus usum GEORG. VELSCHIVS *obs. Med. Phys. 98.* JO. CHR. FROMMANNVS *l. c. pr. 2. pbl. 26.* SWALVE *disquis. Therap. sect. 6. p. 112.* PARÆVS, *aliique.* Non tamen facile ad operationem hanc accedendum esse auctores sumus, sed, cum uti extremo morbo extrema etiam debentur remedia, reliqua auxilia pro apertione Hæmorrhoidum cæcarum in usum trahi solita nihil conferant, & ob dolorem magnum, frictionibus asperis, & externis medicamentis aperientibus tuto referare non liceat, vel venæ ob crassitiem & densitatem quam habent, apertionem negent, vel sanguis ipse inibi contentus & stagnans, ob nimiam multitudinem, imositatem, grumescentiam & crassitiem, specificorum usu absumi

sumi vel discuti, aut remeare in circulum nequeat; tum tumentes hæ venæ scalpello, vel alio convenienti vices ejus dextre gerente instrumento, ut hamuloso displaci pericarpio (non indiscrete tamen) applicatis prius circa sedem defensivis, factaque diætæ debita provisione, accedente prudenti & circumspecta ad qualvis circumstantias ipsius Chirurgi auxiliatrice manu, aperiri possunt, quæ enim alias exinde pertimescenda essent pericula, ea facile & Chirurgus & Medicus prudens evitare possunt.

§. XL. *Ubi virtus, ætas, timiditas aliudve obstaculum vel nullo modo mitti Sanguinem, vel reiterari ex vena non patiuntur, magno auxilio in locum V. sectionis succedunt CUCURBITULÆ cum vel sine scarificatione, nam hoc, ut minus vehemens, ita magis tutum presidium est, ut ZAC. LUSIT. l. 1. Med. Princ. Histor. obs. 8. p. 25. loquitur. In omnibus vero laudabiliter menses, Hæmorrhoidasque suppressas provocant, remoratas accelerant, cucurbitulæ in erubus sacrificatæ. Inferioribus quippe partibus v. gr. furis appositæ pro apertione Hæmorrhoidum quam maxime conferunt; continua enim sic in inferiores partes sanguinis deductio dum fit, inclinatio proniorque ipsi via monstratur, & tacite quasi huc sollicitatur, ut natura hanc viam semel atque iterum ingressa, magis præ alia hac via postmodum utatur: pariter res evenit in mulieribus, quæ ut iis de more purgationes menstruæ redeant, cucurbitulas cum scarificatione carnosæ furis maximo cum commodo applicant, uti felicissime eas applicatas in duabus puellis virginibus ad menses aperiendos suppressos notavit GVERN. ROLFING. l. c. l. 4. f. 4. c. 7. Ita & pro Hæmorrhoidum nimis fluentium restrictione, è FONSEC. conf. 82. applicare possumus cucurbitulam cum vel sine scarificatione, præcipue vero cum multa flamma, modo ad hypochondrium dextrum modo ad sinistrum, caute tamen, nec ad id confugiendum, nisi cæteris remediis irritis, & post Venæ sectionem: scapulis item, & lumbis & coxis &c. pro revulsione v. RIVER. Prax. l. 10. c. 10. Similiter in nimis uteri hæmorrhagiis ex consilio HIPPOCR. sect. V. aph. 50. Solemne est Medicis, pro fluxu nimio sistendo, cucurbitulam ad vel infra mammas apponere, ut & apposuit BINNINGER. Cent. 1. obs. 33. p. 35. vid. etiam FORESTUS l. 28. obs. 13. & seqq.*

§. XLI. Sequuntur *HIRUDINES*, quæ utiliter quoque ubi V.S. sine fructu instituta, & Frictiones asperæ & Lancettæ applicatio minus tuto in usum trahuntur, ano, sanguine prius notato loco, vel ipsius Chirurghi manu, vel in cannula aliqua, seu alio instrumento ad id apto pro apertione cœcarum apponuntur, uti enim ZACUT. *Lusit. Hist. Med. Princ. l. 1. obs. 6. quest. 4.* loquentem introducit ACTUARIUM *l. 4. c. 6.* dum ait. *Quod si obfirmata fluxio, neque revulsionibus cedit, neque epithematis lenitur, metusque est, ne temporis spatio in abscessum abeat, hominemque in aliud morbi genus deducat, Hirudines cœcis Hæmorrhoidibus admovenda: ubi enim jerit sanguis, ager melius deget.* & PETRÆUS *Nosol. Harm. diff. 32.* ut notat FROMMAN. *l. 6. pr. 2. pbl. 27.* Eas ceu specificum & determinatum Hæmorrhoidum remedium vocat; quatuorque hirudines viro alicui feliciter applicuit, ut extraherent uncias sex sanguinis. Et LUSIT. *l. c. l. 1. quest. 4.* notat. Aurifabrum quendam ex defectu consuetæ vacuationis per Hæmorrhoidas in melancholiam incidisse, admotis autem hirudinibus & subsequuto largo sanguinis effluvio curatum, Laudant præterea earum usum in Hæmorrhoidibus aperiendis HIER. FABR. AB AQUAPENDENTE, *oper. Chir. pr. 1. cap. 94.* THOMAS BARTHOL. *A.R. p. 634.* BORELLUS *Cent. 1. observ. 63.* IONSTON. *Prax. p. 543.* FONSEC. *Tom. 1. consil. 27.* MINDERER *d. medic. militar. p. 263.* SEBIZ. *disp. d. Hæmorrhoidibus §. 110.* AM. LUSIT. *Cent. 5. cur. 3.* SENNERT. *Prax. lib. 3. sect. 2. c. 13. quest. 3.* PLATERVS, aliq; Imo tota Veneranda Antiquitas in plerisque morbis procacochymix splenicæ & mesentericæ depletionem, & melancholicorum morborum & hypochondriaci mali sublatione, ad Hirudines Hæmorrhoidibus appositas, tanquam ad sacram anchoram confugiebant; nec recentiores earum usum negligunt, uti è scriptis horum abunde patet. Locus applicandi variat, vel enim externis venis applicantur, vel internis, sin vero præstat internis minus conspicuis affigere, tum ut eæ ad hirudinum impositionem emineant, cucurbitulam totum anum comprehendens, applicat ZACUT. LUSITANUS *Prax. M. adm. l. 2. obs. 74.*

§. XLII. Progredimur nunc ad ipsos FONTICYLOS, qui ut ait, STRAVSS. *Palæstr. Med. Part. 3. γυμνασι. 9. §. 12.* non contemnendam tam cœcis quam apertis Hæmorrhoidibus ad-

G

ferunt

ferunt opem. Nam si, ut ZACUTUS LUSITANUS lib. 1. *Histor. Med. Princ. obs. 18.* ait. *ex sanguinis ubertate ac copia, vel ex ipso plus seroso, tenui, fluxili & ætuofo hic affectus concitetur, & neque sistentibus auxilium, venæque sectione in brachio celebrata revulsionis causa levetur hoc malum, tunc fontanella in cruribus aperta derivationis gratia summopere profunt.* Unde & loco purgationis & V. S. in Hæmorrhoidibus fieri possunt Fontanelle, & quidem inurantur revulsionis ergo in brachio seu parte quadam superiore, vel ad derivationem in cruribus &c. quo sanguinis cacochymiam, & vitiosos redundantes humores huc quasi sollicitatos & à parte revultos evacuent & excernant. De operandi autem horum modo ne prolixi simus; vid. Jo. MUYR *Chirurg. ration. decad. 1. obs. 2.* Non autem ad hoc remedium statim accedendum esse auctores sumus, sed tum, ubi aliis frustra prius adhibitis, & per purgationem & V. S. toti corpori sit prospectum, ubi malum est chronicum, & diuturnum, ubi materia sensim & assiduo generatur, ubi fluxus non adeo est copiosus & continuus, ubi affectus inducias patitur, & mature factò opus non est, ubi remedia permutanda in corpore juvenili, &c. Egregiam vero opem præstitisse in hisce affectibus præter alios exemplo comprobat, ZAC. LUSITANUS *Prax. M. adm. l. 2. obs. 73.* & VELSCHIIUS *Hecatost. II. obs. 80.*

§. XLIII. Nec inutiles putamus FRICTIONES duriores, pro remedio revulsorio tum in apertis tum in cæcis Hæmorrhoidibus, dum enim motu isto partium calor suscitatur & vegetatur, sanguisque magis allicitur copiosiorque affluit, partes carnosæ laxiores & perspirabiliores, & ad humores recipiendos patientiores redduntur, prohibent, quo minus vitiosi humores stagneant, contra humores excrementitios alias ad partem affectam ruentes, per partem frictam secretioni aptiores reddunt, & hinc & ob poros apertos acrium aliorumque fuliginum transpiratio liberior contingere potest. Instituuntur autem istæ frictiones præcipue in brachiis, vel pannis asperis, vel sacculo simplicibus remediis calidis repleto, vel manibus oleo aliquo seu liquore appropriato madefactis, vel spongiâ vino aut decocto aliquo repletâ, vel tol. ficus, parietar, ferratul. &c. vid. FRANC. *disp. d. Hemorrhoidibus. 22.*

§. XLIV. Egregium quoque usum merito tribuimus
 ipsis

ipsis **LIGATURIS** in sistendo nimio **Hæmorrhoidum** fluxu, & pro refrænando sanguinis orgasmo & impetu, pariter uti in nimio mensium lochiorumque fluxu sistendo nostræ obstetricantes mulierculæ toto die earum prosperum successum subinde experiuntur. Sint autem eæ fortes & dolorificæ in brachiis & extremis manuum pedumve digitis, duobus una junctis, non tamen una in omnibus institutæ, quæ subinde etiam solvendæ & in alias partes transferendæ, ne à copia affluentis sanguinis regressum non invenientis inflammatio, gangræna & leipothymix oriantur. Pariter & quidam ceu remedium revulsorium incurvationem minimi digiti, ob vehementem compressionem & intensum dolorem proponunt; quantum enim sanguinis ad partes ligatas dolore afflictas accedit, ex earum mente, tantum à partibus remotioribus eodem turgentibus quoque decedit.

§. XLV. Ultimum inter præsidia Chirurgica tenet locum ipsa **LIGATIO**, **SECTIO** & **USTIO** vasorum **Hæmorrhoidalium**, quæ tanquam extrema remedia in immoderato profluvio & frustraneo omnium medicamentorum usu, præsentē ipsius vitæ periculo, eligere possunt ii, qui dolores morti ipsi præferre non recusant. *Spes quippe dubia*, monente **CELSE**, *certa desperatione potior est.* & *Quanto itaque satius est*, inquit **GALENIUS** l. 10. *Meth. Med. c. 10. aliquid nonnulla fiducia, vel cum periculo facere, quam spe adempta certo perire: tanto profecto satius est potentibus præsidiis pugnare, quam nihil agere:* Si igitur impetrata ab ægrotante in corpus suum agendi potestate, ad manus operationem veniendum sit, vacuato prius probe corpore per **V. S.** & purgationem & Vomitum &c. ne alias inopportune & intempestive curati graviora iis accidant mala; æger **E.** primum bene collocetur, & eo victo scalpello vel alio convenienti instrumento vasa à subjecta carne vel cute liberanda, deinde acu filo forti obducto, perforanda arcteq; vincienda, tandem **Hæmorrhoidum** caput abscindendo, ferro ignito ad oboli formam lato singula vasorum ora tangenda urendaque, ac postea escharæ casus & ulceris curatio consueto modo peragenda. Vel etiam sine incisione ægro recte collocato, sedibusque digitis seu clamore quam maxime foras eductis, candentibus admotis ferramentis singula vasorum ora sanguinem fundentia adurantur, quoad resiccentur, ita tamen ut ne contingas, nullaue relinquatur

inuista. In quam rem etiam Jo. RHODIUS *Cent. 2. obs. 94.* ita loquitur. *Lamina candente mox admota (post præmittenda præmissa) cominus Hemorrhoides contrahuntur ac veluti corrugantur, quæ in suum reposita locum ne denuo precipiant, annulo ferreo dextre cohibentur.* Plura circa operationem notanda omitto. videri pluribus potest idem citatus HIPPOCR. *l. d. Hemorrh. M. A. SEVERINUS Pyrotechn. Chirurg. l. 2. pr. 1. c. 97. &c.* Liceat autem nonnullis hæc administratio feliciter cesserit, uti testis est ALEXAND. MASSARIAS *l. 3. prax. & SCULTETUS Armam. Chirurg. p. 104.* tamen non nisi extrema urgente necessitate eam ægris suademus. Nec ratio suppetit quare iis suadenda, cum teste RIVERO *prax. l. 10. c. 10.* operatio hæcce quam laboriosissima sit & valde periculosa, dolores atrocissimos, febrem, inflammationem, gangrænam & alia mala inducat, nostrisque his temporibus obsoleverit fere & in desuetudinem abierit, nullique ægrotantium hæc operatio facile persuaderi poterit, & ut STRAUSS. *l. c. pr. 3. xviii. 9. §. 13.* ait. hæc ἐν χειρὶ dictu quam factu facilior, unde & AQUAPEND. *l. c.* cum Hæmorrhoides tumentes medicamentis potius, quam Chirurgia se sanasse profiteatur, & nos eâ relictâ ad illa accedimus.

§. XLVI. In FONTE itaque PHARMACEVTICO primum sese offerunt ipsa Purgantia, quorum usum quidam exterminare satagunt, hac suspitione inducti, quod fluxus iste præsens qui supprimendus potius quàm proritandus, per pharmaca ista acriora, fores ad maiorem sanguinis profusionem faciendam magis apertas habeat, & quod in Cœcis dolor tumorque per uberiorem sanguinis affluxum magis in gravescat & augeatur. Verum si quid tale eveniat, id purgantibus fortioribus, generosis, & σπασιατέρους adscribendum, quæ humores exagitant & ad partem affectam commovent, quæque alvum & intestina & corpus turbando, naturæ constitutivos & bonos liquores vitæ furto in foetidum, variegatum & cadaverosum liquamen æque in fanis ac ægris indifferenter solvunt, & tale quid in corpore non inveniunt, sed faciunt & abradunt, nullâ ægri, vel saltem perfidâ & momentaneâ alleviatione, ut loquitur CNOEFFEL in *Theoph. Bonet. Med. Sept. Coll. l. 3. sect. 11. cap. 16.* non vero mitioribus, blandis, benignis & minorativis, quæ humores biliosos aliosque ad in-

ad intestina deducendo sanguinem mundant purificantque, eodem modo forsitan, quo maculae lintheo nec scelerato nec destructo, sed mundato & integro illo, per saponem eluuntur; & horum usum merito in foro Medico ad salutem ægrotantium retinemus & commendamus; talia sunt, Manna, Cassia, Tamarindi, qui notante RIVERO l. c. præcipue ad compescendum huiusmodi sanguinem fluentem, miram quandam potestatem habent, tam decocti quam in substantia usurpati. Imo pruna nostrata acidula, quæ aliquo modo Tamarindos æmulantur, frequenter esitata ante alios cibos, huic rei etiam conducunt; myrobalani item, & rhabarbarum, de quo OL. BORRICHIVS (pro ut annotavit Theoph. Bonet. M. S. C. l. 3. f. 11. c. 13.) inquit. *Fuere, quibus evacuationibus ejusmodi mensstruis tentatis opem efflagitantibus solo infuso rhabarbari succurri; ternis observans alvi solutionibus inter purgandum vix tantum cruoris effundi, quantum una vice extra purgationis tempus externi solet; imo sæpe in ipsa purgatione ne guttam sanguinis profluere, aversâ alio humorum rodentium acrimoniâ.* Nec excludendæ sunt Pilulae D. Baldass. Glasii, item Francosurtenles, item Syrup. violar. ros. solut. d. mann. lax. flor. persic, de cichor. c. rhabarb. Electuar. de Tamarindis d. fol. Sennæ, &c. Et ratio suadet, hæc fluentibus convenire Hæmorrhoidibus, cum ob κακοχρησίαν in corpore præsentem fluxum hunc sæpius causantem, nullum aliud sit indicatum ab indicante monstratum quam purgatio blanda, quæ vitiosos istos acres stimulantisque humores partim evacuet, partim revelat, & monitore STRAUSSIO l. c. frustra de sistendo fluore consilium initur absque corporis preparatione vitiosorumque humorum evacuatione præmissa, id quod manifesto exemplo comprobatur, SOLENAND. f. 4. consil. 22. vid. & WEDEL. Opiolog. l. 2. sect. 2. c. 5. & COSTERUS Tab. 55. p. 209. qui caute admodum præscribere docet ipsa purgantia, & si præscribenda, sint ea Lenientia, & sæpe numero interposita aliis, eo potissimum casu, quando bilis copiosius in intestina lata fluentium Hæmorrhoidum cursum continuat. Et hoc de Cæcis quoque sentiendum, in quibus nil gratius & acceptius & Medico & ægrotanti est, quam laxam & apertam semper videre alvum; alvi enim adstrictione, quæ alias hic valde familiaris existit, per laxans sublatâ minor fit dolor &

tumor, & vasa etiam obstructa ab apparatu morbifico, irritantur & stimulantur nonnihil per purgans, ut sanguis exinde alias suppressus promoveatur facilius.

§. XLVII. Ante horum purgantium usum possunt commodè vel præmitti, vel interponi ipsa PRÆPARANTIA ET DIGESTIVA, quæ humores tenaces & crassos incidere, præparare, ~~aperire~~, resolvere, glutinosos detergere, acidos & viscidos, & fixos ac tartareos attenuare, tenues & volatiles refrænare & incrassare solent, id quod optime pro cuiusque sc. humoris dominio perficitur per aperientia, salsa, incidentia, acria, amara, oleosa, volatilia, urinosa, item absorbentia, martialia, testacea, terrea, &c. Vel incrassantia & refrigerantia, adstringentia, & aquea, diluentia, & humectantia &c.

§. XLVIII. VOMITORIORVM quoque usus nec hic est contemnendus, præsertim in iis quibus Hæmorrhoides consuetæ sunt, ubi præservationis loco antequam ipse fluxus ingruat, vomitoria, blanda tamen ac mitia sunt propinanda, præcipue cum videamus naturam τῶν ῥέσων ἰατρὸν circa ventriculum humores pituitosos & biliosos congerere, & per superiora excretionem instituere conari, cujus naturæ laudabilis tum conatus arte adjuvandus, bilisque vomitu. evomendus, interim secundum STRAÛSSIVM l. c. non est *ut quis vel tam vehementibus vel tam frequenter Emeticis utendum patet, quin potius & ea summo iudicio ac prudentia moderetur, oportet.*

§. XLIX. CLYSTERES quoque ex incidentibus, aperientibus, emollientibus, lenientibus & Anodinis consarcinati, in Hæmorrhoidibus tum fluentibus tum furentibus pro alvo, adstricta solvenda & humectanda, doloris acerbitate blande demulcenda, intestinoque à vitiosorum humorum saburra onerato, liberando, commodè præscribuntur; parantur autem ex rad. Alth. lil. alb. malv. scrophul. Herb. malv. alth. ꝯal, verbasc, pariet. Flor. linar. verbasc. melilot. chamom. sem. carv. fœnic. item ex origano. puleg. Centaur. min. Hyssop. Absinth. Elect. Lenitiv. Florenz. hier. picr. Gal. ol. Lini. vitell. ovor. sacch. butyro. &c. Cavendum autem à fortioribus & acriter stimulantibus clysteribus, ad promovendum Hæmorrhoidum Fluxum in Cœcis à quibusdam usitatis, Acres enim & vehementes isti clysteres

clysteres ut CRATO in consil. 174. à Scholtzio collectis p. m. 494. ait, ea ne quid dissimulem non probo; cum ad ciendas Hæmorrhoides non tantum faciant, quantum intestina & venas mesaricas ledant.

§. L. Pariter pro emollienda alvo, ubi Clysterum usus est nullus, etiam adhibentur SUPPOSITORIA è butyro, aliisque emollientibus & dolorem mitigantibus facta, vel parantur è radice cyclaminis, porr. cœpar. raphan. add. sale fossili, sal. gemmæ, felle bubulo, Ol. rutæ, pulv. aloës, sapone, &c. quo suppressæ Hæmorrhoides aperiantur. Cautè tamen agas cum hisce acribus, ne sinistre iis adhibitis, pars lædatur, & plus damni quam emolumenti ægro inde oriatur. Ad fluxum præterea sistendum fiunt etiam suppositoria ex Colophon. thur. bol. armen. ceruss. plumbo usto, acac. subtilissime tritis & sevo hircino exceptis, vel pulvere fungi illius crepitus lupi dicti, vel pilis leporinis, telis araneæ. ovi album. c. cera. f. Tragacantha exceptis coministis, forma glandis in anum immittuntur.

§. LI. DIAPHORETICA quoque suum hic tenent usum, præcipue cum æger constitutione corporis sit serosiore, pituitoso, phlegmatico atque bilioso, vel ab humoribus excrementitiis serosis, aqueis, salis, lixiviosis, aliisque per cutem erumpere consuetis, nunc vero retentis & spiracula cutis obstruentibus corpus oneretur, nec non cum adsit habitus corporis, mollis laxus, & ad sudorem facile mobilis, ubi temperata diaphoretica & sudorifera ex Cornu. sc. Cervi f. igne. Ocul. cancr. terra sigill. & similibus pro lubitu, modo rectam eorum administrandi rationem circa τὸ πῶσον, χρόνον, καὶ πῶς & modum ipsum teneas, ordinari possunt.

§. LII. Ad serum præterea in corpore peccans corrigendum & evacuandum multum valent DIVRETICA, quæ & Diaphoretica pariter inter se commercium solent exercere, quum in expellendo sero utraque occupentur. Ut ergo in massa sanguinea hospitantes vitiosæ, biliosæ & lixiviosæ scorix, & acres, salinæ, Tartaræ & terrestres fæculentiæ, una cum sero malorum horum subjecto ad renes & Urinarias vias deducantur, diuretica eligenda, quæ pro cuiusque humoris prædominantis qualitatibus moderanda, si enim visciditas & lentor simul adsit, abster-

abstergentia, si crassities incidentia, &c. si acrimonia, moderate refrigerantia, humectantia, & acre infringentia & mitigantia addenda.

§. LIII. Pro scopo diuretico quoque & ACIDULAS tædioſo hoc affectu laborantibus commendamus, quo ſcil. corpus à variis ſeroſis, ſæculentisq; impuritatibus, & recrementitiis humoribus in variis partibus hærentibus, & ab acidulis copioſius hauſtis & loca interiora pervagantibus ad Urinarias vias deductis liberetur, obſtructiones tollantur, & viſcera calidiora attemperentur. Vid. HOECHSTETT. *Decad. V. obſ. 2. p. 113. & decad. V. obſ. 2. p. 548. & 563.*

§. LIV. Ex ALTERANTIBVS præſidiis conſideranda nobis primum veniunt ea, quæ ad fluxum immodicum ſiſtendum ab ipsis ægris experuntur; ſuntque vel interna vel externa è vaſto iſto tricorpori regno, minerali ſc. vegetabili & animali deſumpta, & ut ſummatim dicam: ſunt vel vulneraria & adſtringentia, ſanguineam partim increaſſantia, partim vi alcalinâ, acida vitioſa abſorbentia, partim vaſorum læſiones reſtituentia, vel ſerum imbibentia, increaſſantia, acrimoniam ipſius ſeroſam corrigentia, aliaque ſanguinem attemperantia, edulcorantia, refrigerantia, impetum, fervorem & turgelſcentiam refrænantia, & coërcentia, &c. verum cum horum remediorum ingens ſit numerus, ea recensere ſupervacaneum, cum alias diſputatio hæce noſtra in nimiam molem excreſcens limites ipſi poſitos excederet, unum tantum ac alterum quod in hiſce affectibus præprimis laudatur, tangam: inter alia eſt Sanguisorba, cujus decocto D. C. KOLICHEN ut v. eſt in *Th. Bonet. l. c. l. 3. ſ. 11. c. 4.* fluxum enormem ſtitit. Sic Tapſus Barbatuſ, & Chelidonium minus in Hæmorrhoidum affectibus plantæ vocantur appropriatæ, vid. RIVERIUS *l. c.* & SOLENANDER *l. o. p. 381.* Succus quoq; urticæ ad ℥ij hauſtus, item ligni Lentifcini decoctum vel infuſum, Grana item granatorum ſucculenta egregia, quorum maſticatorum ope, fluxus periculofus in viro quodam, antea omnibus aliis irritis, ceſſavit. v. TH. BONETUS *l. c. c. 14.* Sic Syrupo è roſis ſiccis fluxus nimius, auctore BORELLO *Cent. 4. obſ. 58.* ſedatus eſt. Laudantur & eximie hic Pilulæ de bdellio, quæ ad ℥j aſſumptæ egregiam ferunt opem ut obſervavit SOLEN. *ſ. 4. con-*

f. 4. consil. 20. & FORESTVS l. 23. obs. 5. Dens Hippopotami præparatus & assumptus, secretum est Michaelis contra Hæmor-
rhoides. Pariter spiritus mastichinus, spiritus vitrioli, tinctura hy-
perici, martis adstring. fructus item adstringentes; terrea & al-
calica, ut bolus armenus, corallia, hæmatites, alumen, sanguis
draconis, unicornu fossile, CC. ustum, aliaque adstringentia, &c.
quæque in Diarrhœis, dysenteriiis, & hæmorrhagiis laudantur,
hic non contemnendam præstant operam interius adhibitæ, mo-
do dextrum eorundem usum teneas.

§. L V. Externorum remediorum seu Topicorum juvan-
tium materia quoque varia & multiplex, quæ pro diversitate
causæ atque subjecti diversimodam etiam sui desiderant applica-
tionem. In usu autem sunt ipsa fomenta, quæ parantur ex radi-
ce bistortæ, tormentill. fol. plantag, querc. millefol. fragar. gra-
nor. sumach. balaustr. malicor. ros. rubr. gallar. virid. &c. & in
aqua ferrata, vel vino rubro, austero, & adstringente decocta ap-
plicantur, vel vapor decocti calentis ano excipitur. Sic verbascum
ejusque folies, in aqua ferrata, vel vino adstring. decoctum in-
starque fofus applicatum ano, pro fluxu sistendo convenien-
tissimum dicit remedium RIVER. *Prax. l. 10. c. 10.* & SEN-
NERT. *prax. l. c.* MARTINUS RULANDUS *Cent. 1. obs. 7.* Fo-
mentum laudat è duobus sacculis ex rubro panno conflatis, &
glandibus contusis, ac quercus foliis repletus, & in forti aceto
multum decoctis, alternatimque calide admotis. Fiant quoque
injectiones & iniectiones è dictis decoctis, oleis & succis, adstring-
entibus, suffitus item, sic observavit Dn. D. MAIOR *Ephemer.*
Germ. Ann. 3. obs. 226. Quendam Theologum temperamenti
ferosi, fluxui coërcendo proficuum semper internum Sperniol.
Crollii usum, externe in solo myrrhæ & mastiches suffitu naribus
percepto præsidium reperisse. CAROLVS OFFREDI, *ut videre*
est in Theoph. Bonet, l. c. l. 3. f. 11. c. 6. vidit Fluxum nimium
in puello trium annorum per Ol. olivar. infusionis baccarum So-
lani illius Italis Belladonna dictarum, curatum. Sic & varii Pulveres
vasorum ora contrahentes, adstringentes, solutam unitatem ac
læsiones restituentes, & sanguinem effluentem sistentes inspergi
possunt, uti parantur è crepitu lupi, mumia, subere, sanguine ex-
siccato, musco cranii humani, pilis leporinis, sperniola sicca, lac-
ca rubra, alumine crudo, pulvere sympathetico, aliisque *ixaiμois.*

Præter Linimenta è pulveribus, oleis &c. & adstringentibus dictorum simplicium etiam Unguenta adhiberi possunt, ut est Ung. Comitissæ Augustan. Unguent. ad Hæmorrhoides ZWELFFER. *Pharmacop. Reg. p. m. 279.* Ung. Stypticum Mynsichti Arment. *p. m. 499.* Ung. adstringens Fernel. vel fuligo camini albumine ovi excepta. inuncta dorso & ano Hæmorrhoides sistunt. Sic & Emplastra nonnunquam apponi possunt, ut est Empl. contra rupturam, Cerat. pro Herniosis Noribergens. &c. nec minus non incommode regioni hepatis imponatur Cerat. Santal. cum extract. cichor. vel simile aliud refrigerans. Pariter & Cataplasmata ex sæpius dictis adstring. & traumaticis in usum trahuntur, ut videre est in PLATER. *tr. 3. pr. p. m. 708.* aliisq;. Sic & SOLENANDER *l. c.* plantaginem & verbascum simul tufas ano admoveat, & pro firmatione Hæmorrhoidum tanquam singulare aliquod remedium extollit. ALEXIUS PIEDEMONTANUS, ut videre est in FROMMAN. *tr. d. Hæmorrhoidibus pr. 2. pbl. 16.* ad Hæmorrhoides una nocte sistendas Cataplasma ex foliis sambuci, in aqua ad pulvis consistentiam decoctis, & olei olivarum pauxillo permistis concinnandum, pannoque rubro scarlatino inductum, Hæmorrhoidibus calidiuscule applicandum, sæpiusque per totam noctem agro in faciem procumbente, renovandum præscribit & commendat. Sic WEDELIO Auctore, citante eum *Th. Bonet. l. c. l. 3. sect. 11. cap. 3.* Fluxus quidam Hæmorrhoidum nimius, aliis mediis facile antehac non ascultans, in foemina quadam solo hoc Euporisto sc. Polygono sub axillis posito, curatus est. J. HARTM. *Præct. Chymiatr. p. m. 124.* à proprietate quadam cingulum ex foliis Hellebori nigri conquassatis recentibus, nudo corpori circumdatum valere ait. ETTMÜLL. *p. m. 157.* Helleborum album loco nigri magis commendat, & è quibus linteo insutis foliis factum cingulum, ut singulare expertus est LINDANUS ad Hæmorrhoides Fluentes, imprimis, si additur pulvis de corticibus quercus. Sic & Dn. D. CNOEFFEL. *l. c.* cingulum è linteo urticæ crudo, (seu loco hujus cannabino) spermate ranarum insuccato, præ aliis à proprietate valere ait: parant quoque in hunc modum alii cingulum è musco terrestri clavato, C. B. plicaria dicto, vel ex herba bursa pastoris, & similibus. Sed sufficiant hæc, reliqua quæ in usum trahi possent, petantur ex iis, quæ hæmorrhagias alias narium, vel uteri, vel fluxus alios, diarrho-

diarrhoeas sc. Dysenteriamque sistere solent. vid. BONET. *Polyalth. T. 1. l. 2. c. 49. p. 1047. &c. T. 2. l. 4. c. 35. p. 666. &c. & T. 3. l. 5. c. 118. p. 124. &c.* & G. W. WEDELIVS d. *facultat. medicam. l. 2. f. 2. c. 15.* Sed hujusmodi administrationes Empiricas, cum citra molestiam & sumptum adhiberi possint, non est ut recusemus : Præcipue siquidem in casu periculoso fere nihil non agendum sit : cumque ejusmodi applicationes eo respectu interdum juvent, quod agri imaginationem corroborant, ut loquitur WILLIS. Applicanda autem & propinanda dicta fluxum sistentia non in principio, nec ante, quam ubi V. sectio, purgatio, sudorifera, aliaque corpus purgantia & alterantia præmissa fuerint, ne ex subitanea & intempestiva earum suppressione accidant varia mala in §. 29. superius annotata, & præcipue alvi siccitas, è siccantium & adstringentium externorum usu, quapropter & è consilio SOLENAND. l. c. rarius his solis utendum, aut ita in usu temperanda ea, ne nimium alvum retineant, venis ergo potius remedia adhibenda, & ut utrinque curatio instituat, intro propinandum remedium, quod alvum minus retineat, & topicum foris aliquod admovendum.

§. LVI. Ad HÆMORRHOIDES SUPPRESSAS MOVEN-
DAS & aperiendas, præmissis præmittendis, conducunt ea, quæ sanguinis crassitiem & lentorem tollunt, ut sunt omnia incidentia, attenuantia, aperiencia, præparantia, sudorem, item lochia & purgamenta post partum moventia, foetum pellentia, Urinam & menses cientia, præcipitantia, acidum imbibentia, concretum dissolventia, *σάρον* & grumescentiam humorum tollentia, obstructions referantia, & impedimenta in viis ac vasis removentia, omnia item ea, quæ parte sui resinosa circa partes ani adhærescendo easdem stimulant, ut hoc modo stimulata pars, facilius excretionem sanguinis instituat, item ea quæ sanguini *ὀργασμὸν* quendam & celeriore ac impetuosiore motum conciliant, ut sunt omnia calida & spirituosissima, & aromatica, martialia, amara, salina volatilia, &c. quæ omnia adducere supervacaneum esse puto, quippe quæ ex Promptuariis Mater. Med. facile depromi possunt. Externa autem præsidia, quæ vel post vel cum internorum usu applicanda, conjunctim pro ciendis Hæmorrhoidibus egregiam navant operam : sint autem ista vel fomenta blanda & tepida, vel infusus & balnea, tum naturalia tum artificialia, vel

H 2

ungu-

unguenta & Linimenta , & olea & Cataplasmata , aliaque (de quibus vid. FROMMANN. *pr.* 2. *pbl.* 31. SOLENAND. *l. c.* p. 379) extrema venarum crasso & melancholico sanguine turgentia emollientia , humores impactos attenuantia , colliquantia , & fluxiles reddentia , motumque eorum blande huc invitantia , poros partis & vias dilatantia , rarefacientia , & archeum excitantia , & imprimis præmissis internis , per aliquod tempus circa novilunium vel ordinarium fluxus tempus , adveniente præprimis vere , fluente bene disposito , aurigante , seu urgente , & non invitâ naturâ in usum sunt trahenda. vid. TH. BONETI *Polyalthes T. 3. l. 5. c. 14 p. 100. Esc.*

§. LVII. Pensitatis hæc , ad NARCOTICA & OPIATA nos conferimus , quæ ad fluxum contumacissimum & aliis remediis non cedentem commendari solent à Practicis. Hæc quippe legitime usurpata generalia sunt Hæmorrhagiarum remedia , dum irritationis sensum in hac vel ista parte excitatum sopiunt , spirituum impetum refrænant , ac motum efferum sedant , fluxilitatem & impetum erupturi sanguinis coëcent , & quemvis humorum motum cohibent , ac eorundem acrimoniam tollunt & tenuitatem incrassant , præcipue si cum adstringentibus & ipsis serum incrassantibus &c. remixta fuerint vid. WEDEL. *Opiol. l. 2. f. 1 c. 13 p. 123. v.* & D. GRUBE *de arcanis Medicor. non arcan. pag. 100.* & SENNERTUS *l. c. p. m. 424.* Sic observavit D. TILLINGIUS *lib. de laudano opiato part. 4. cap. 19.* quod Laudani usus Embdæ in Capitano quodam , immodicum cum dolore atrocissimo Hæmorrhoidum fluxum patiente , præmissis præmittendis , & fluxum & dolorem omnino sedarit. loco opii & Pilulæ de Cynoglossa , vel Syrup. papav. alb. c. aqua hypnotica &c. tutius & cum minore periculo exhiberi possunt. Circa enim opiatorum usum quam cautissimi simus , ne Angelicam ipsius Opii faciem exuamus & Diabolicam ipsi induamus , uti WILLISTVS aliaque , qui commoda & incommoda Opii describere , ex inconsiderato eorum usu evenisse testantur. Danda quippe debitâ , convenienti & exactâ dosi , juxta regulas circa opiatorum usum observandas , danda justo tempore , non in sanguinis defectu & penuria , non post magnas hæmorrhagias , longas inedia , protractas vigilias , aut diuturnas ægrotationes , sed viribus adhuc integris , ægroque ad huc robusto. &c. Pari-

ter Opium, ut fluxionum & vigiliarum panacea, ita & Dolorum domitor existit, & anodynorum ac Narcoticorum apex merito audit. Et dum præter dicta Spiritus obtundit, eorumque anomalias & inordinatos motus sistit, ferocientes placat, irritatos & furiosos quasi secundum Helmontium lenit & demulcet, & ex mente Willisii animæ sensitivæ efferationem nimiam & impetuositatem compescit, potentissime inde Sensum partis obtundendo dolorem sedat ac sopit, Interne quidem si cum aqua aliqua appropriata propinetur; Externe, si in majori dosi quam pro interno usu, ipsis Unguentis & Linimentis admiscetur. Dandum autem opium & reliqua Narcotica, (si quæ danda) ubi tenues, calidi & rodentes sunt humores, ut sc. iis torpor inducatur, & humorum tenuitas cogatur; ubi vero crassi & glutinosi humores excruciant, alienissima sint, quæ torporem inducunt, dolorem enim quidem mitigant, sed deteriore reddunt partium dispositionem, & talis doloris sedatio non est curatio sed deceptio, semper ergo ea adjungenda, quæ morbum & causam respiciunt.

§. LVIII. Externa in specie, quæ ad DOLORIS HÆMORRHOIDVM *sublationem* conveniunt, non promiscue ut FROMM. *l. c. pr. 2. pbl. 44.* ait. in usu sunt trahenda, sed propter causarum varietatem varianda: Siquidem non unâ semper & eadem de causâ Hæmorrhoides dolent, aliquando immodica caliditas & erysipelatoſa constitutio adest, aliquando frigidior materia, aut flatu tument, aliquando corrosivo & erodente sero imprægnantur. Decantata & specifica ut ita dicam, in Hæmorrhoidum dolore sunt sequentia, & quidem Radix Scrophulariæ, de qua vid. *Specul. Med. Pract. SEBIZ. pr. 4. f. 2. c. 22.* & MINDERER. *Medic. milit. p. 274.* & TH. BONET. *Polyalth. T. 2. l. 4. c. 35. p. 674.* Bulbus ceparum albarum sub cineribus coctarum & cum butyro recenti subactarum, instar cataplasmatibus applicatus & dolorem aufert & tumorem discutit, idem præstant cepæ rubræ c. pulpa lilii decoctæ, & c. ol. myrtino pistatæ & subactæ; nec non radices porrorum sub prunis c. stupis madefactis decoctorum & c. butyro pistatorum atque applicatorum. Singulare & appropriatum ad Hæmorrhoides anodynum est Linaria, cujus flores cum herba coquantur, cocti c. adipe porcino subiguntur, refrigerato parum decocto vitel-

vitellum ovi admiscetur, & cum gossipio vel lana hoc linimentum parti dolenti applicatur ex commendatione HORSTII *l. 4. obs. Med. 42. p. m. 287.* vel cum lacte cocta instar fots imponitur. v. HOFFER. *Herc. Med. p. 195.* HARTMAN. *l. c. p. 123.* Verbascum ejusque flores, aliaque ex verbasco parata, expertissimum etiam ad Hæmorrhoides cæcas dolentes est remedium, teste LOTICHIO *l. 4. obs. Med. 2.* ETTMÜLL. *fol. 155.* in muliere dolore Hæmorrhoidum affecta, expertus est momordicam, cujus poma spimosa & rubicunda in oleo communi infusa, vel quod melius in oleo lini, dant, (uti ait) oleum ad quævis ambusta & Hæmorrhoides cæcas aptissimum. Folia quoque portulacæ, mandragoræ, hyosciami, (caute tamen propter adjunctam narcosin,) chamom. papav, & aliarum herbarum emollientium & anodynarum contusa, vel cocta, & instar cataplasmatidis, ad sistendum dolorem egregia. Solanum officinarum recens contusum, & Hæmorrhoidibus cæcis tumidis & valde dolorificis, in matrona 60. annorum applicatum, & tumorem & dolorem statim (aliis frustra in usum tractis) sustulit. teste BINNINGER *Cent. 4. obs. 28* Chelidonium quoque minus ad Hæmorrhoidum dolorem à SOLENANDRO *f. 4. consil. 20.* commendatum invenies. Cineres suberis usti c. axungia capi, vel c. ol. myrtino specificum est HARTMANN *l. c. p. 123.* cum vitello vero ovi & oleo rosarum linimenti instar simul commiscuit, & ita Hæmorrhoidum dolores miraculo quodam semper sedavit FOREST. *l. 23. observ. 5.* Ex animalibus Lac vario modo usurpatum, ad dolorem sistendum egregium est anodynum: Unde & cataplasma è medulla panis albi in lacte decocti, addito oleo rosaceo, croco & Vitello ovorum, sicut in aliis doloribus, ita & hic in Hæmorrhoidibus dolentibus decantatum est anodynum; sic butyrum vel solum in mortario plumbeo ductum, ad solem donec nigrescat, secund. RIVER *l. c.* vel c. aqua rosacea lotum, deinde cum ovi albumine agitatum & admotum, aut c. oleo lini mixtum, optimum esse remedium ad earum dolores & tumores leniendos & auferendos scribit BORELLVS *Cent. 1. obs. 63.* Jo. AGRICOLA *Chirurg. parv. p. 139.* Pulverem rubrum colcotharis, seu terram vitrioli dulcem in Ung. formam reductam, certissimum in doloribus Hæmorrhoidum remedium dicit esse. Millepedes, seu asellos in oleo nucum coctos sedique inun-

inunctos, ut secretum commendat QVERCETANVS, CROLLIVS
 scarabeos in equorum recrementis latitantes in cinerem redactos
 Hæmorrhoidibus inspergit, alii, ut SOLENAND. *l. c.* & AGRICOL.
l. c. cum oleo lini eos coquunt, & cum bombace loco dolenti
 applicant, Oleum sambuci, oleum ligni buxi, si illius gutta una
 supra Hæmorrhoides c. stylo gossypio involuto, &c. ol. sem. lini
 ℥ss. ol. buxi ʒj. misceatur, & apponatur gutta. Sic quoq; ol. septem
 flor. Mynsichti, ol. sem. papav. lini, hyosciam. flor. verbasco. rapistri.
 momordicæ, &c. & si inflammatio adsit, oleum rosac. violac.
 nymphææ, è vitellis ovorum, &c. mire conveniunt; quod &
 faciunt Ung. rosac. violac. alabastrin. populn. ung. rubr. ex
 Cynoglossa, refrigerans Galeni, Ung. ad Hæmorrhoides Augu-
 stanorum. Balsamus Sulphuris tanquam præstantissimum ad
 dolorem sedandum & tumorem discutiendum remedium est,
 teste RIVER. *Prax. l. 10. c. 11.* FONSECA. *l. 1 consult. 22.* RV-
 LAND. *Cent. 1. obs. 87. 86.* & *Cent 2. obs. 33* ETTMÜLL. *f. 156.*
 Et GRÜLING. *Cent. 2. obs. 26.* Pastorem quendam balsamo
 sulphuris à doloribus Hæmorrhoidum cæcarum statim se libe-
 rasse notavit: videatur quoque STRAVSSIVS *Pal. Med. pr. 3.*
vvv. 9. §. 13. & G. W. WEDELIVS *de facult. medic. l. 2.*
f. 2. c. 19. Plura hic circa dolorem sistentia non addimus, cum
 chartæ parcendum sit, qui formulas remediorum cupit, is eo-
 rum farragine abunde inveniet apud Practicos varios, ad quos
 Lectorem remittimus.

§. LIX. Ad claudendum Pharmaceuticum Fontem, co-
 ronidis loco, AMVLETA pro Hæmorrhoidibus tollendis quædam
 appendamus. Inter quæ, si quod laudem meretur, est Tele-
 phium seu Fabaria, quod auctore G. W. WEDELIO *Eph. Germ.*
Ann. 2. obs. 195. p. 296. firmo dicitur stare talo, & sine ulla su-
 perstitutione, temporisque vel loci observatione Medicum juxta æ-
 grumque exhilarat. Appenditur vero radix Telephii recens (vel
 aliquot saltem nodi, prout nodi isti plures, vel pauciores in ano pro-
 tuberant) cum filo in dorso inter scapulas, simul unde cum mar-
 cescente radice, tabescit & evanescit omne tuberculum. Sic J. G.
 SOMNERVS *Th. Bonet. l. c. c. 12.* notante, vidit Fluxum Hæ-
 morrhoidum sedatum per radicem cichorii inter utramque sca-
 pulam suspensam, &c. vid. SCHROED. *Pharm. l. 4. class. 1. c. 96.*
 SI. PAVLL. *Quadr. Bot. t. d. cichoreo.* Sic eodem *l. c.* notante Dom.
 Auda

Auda radicem Caryophyllatæ montanæ majoris rotundifoliæ in vere collectam & appensam commendat. Sic Pomum Cardui saltem in pera gestatum Hæmorrhoides pellere ait SWALVE *Disp. Therap. f. 1. p. 20.* vid. præterea & HELMONTIUS *tr. d. lithias c. 2. & in Tr. in verb. herb. & lap. magna est virtus.* vid. & OSWALD. GREMBS *arb. integr. & ruin. homin. l. 2. c. 1. §. 5. n. 24.* JONSTON *l. 3. c. 1. de quadrup. p. 117.* alia quæ circumferuntur silentio prætereo. Transplantationis meminit etiam THOMAS BARTHOL. *Cent. 3. hist. 66.* dum ait. Petrus Castellus Clarissimus Messanæ Medicus, expertus, Hæmorrhoides si tangantur tuberosa radice Chondrillæ, siccati, si Chondrilla siccet, corrumpti vero, si corrumpatur, quare sub camino exsiccandam suadet. Quid autem de hisce Amuletis & Transplantatione & similibus sit sentiendum, oculatoribus relinquimus, nos tamen iis non semper fidendum esse concludimus, cum felix eventus casui sæpius quam ipso medicamento sit tribuendus.

§, LX. Obsignabimus tandem nostram de Hæmorrhoidibus Disputationem per FONTEM DIÆTETICVM, qui longe salubria & naturæ magis amica & convenientia suppeditat præsidia, quam alii fontes. Victus enim ratio, ut loquitur GUERN. ROLFINC. *Med. Sp. C. lib. 14 sect. 1. c. 3.* virtutem ægri, robur naturæ, ejusque conservationem & morbi profligationem, non minus quam medicamenta omnia procurat. Hinc in omni morborum curatione primas tenere debet ipsa Victus proba rectaque ratio, sine ea enim vix quidpiam efficies, etiamsi pretiosissima & generosissima præscribas remedia, observatum contra sæpe solâ Diætâ neglectis remediis Pharmaceuticis nonnullos convaluisse. Quiete enim & abstinentiâ multi curantur morbi, & si abstineas & sustineas, sæpissime efficies, quod ipsa Medicina nequit. Consistit autem Diætâ in legitimo sex rerum nonnaturalium usu. Ubi primo occurrit ipse Aer, qui in HÆMORRHOIDIBVS FLVENTIBVS juxta causæ varietatem, & subjecti ægrotantis convenientiam est eligendus, procurandus & arte parandus, sit autem ut plurimum temperatus, purus, serenus, nullis acribus & penetrantibus exhalationibus, fumis, aut vaporibus &c. inquinatus, non nimis calidus, sed ad frigiditatem, aliquantisper declinans. Cibus sit refrigerans & sanguinem tenuem ac acrem nimis, incrassans & attemperans, & falledinem ipsius rodentem obtundens.

mundens, & profluvium sistens; id quod faciunt alimenta refrigerantia & siccantia &c. uti sunt carnes bubalınæ, leporinæ, cervinæ, anserum, anatum, &c. assatæ potius quam elixæ, non falsæ tamen nec fumo induratæ, nec cibi alii sint saliti nimis, vel aromatibus conditi, sed herbis refrigerantibus potius alterati. Hinc ex vegetabilibus conveniunt oryza, phtisana cum lacte, amyllum, milium, lactuca, portulaca, acetosa, pulicula item ex oryza, avena, milio, amygdalis dulcibus. Et Jo. BAPTIST. MONTANUS *Consil.* 226. p. m. 542. In fluxu à sanguine corrodeute & biliolo orto præstantissimum remedium dicit esse, mane singulis diebus jus pulli pinguis bibere, & quidem copiose tribus horis ante prandium. Poma præterea & cerasa & pyra acidula, & cydonia cocta, vel fercula aceto, succo granatorum, limonum, malorum aurantiorum, citriorum, agresta, uva crispa, berberibus, ribibus, &c. parata conducunt. Pro Potu si concedendum vinum, non sit generosum, sed rubrum, stypticum & austerum, vel sit vinum cydoniatum, vel in quo pruneola sylvestria exsiccata contula & infusa sunt. Vel sit decoctum hordei c. CCervi raspatō, aut milletol, aut radicis tormentillæ, aut sanguisorbæ, quo simplicissimo D. KOLICHEN in *Act. Med. Hassn. An. 1671. obs.* 72. fluxum Hæmorrhoidum enormem in muliere quadamstirit. Lac quoque amygdalinum cum aquis adstringentibus, & Emulsionēs ex sem. 4. frigidis majoribus, Lac item bubulum & caprinum recenter mulctum, vel denique aqua ipsa simplex, in qua chalybs, s. ferrum, vel aurum candelactum aliquoties extinctum fuit, pro potu ordinario possunt concedi. Somnus & Vigiliæ sint moderatæ, nocet enim utrarumque excessus, præcipue vero ipsarum vigiliarum, somno vero, sicut cæteræ omnes excretionēs, excepto solo sudore, ita & Hæmorrhoidum fluxus quadantenus sistitur. Hinc & Quies quam maxime imperanda, quæ ægris perutilis est, solent enim quævis hæmorrhagiæ non citius quam debita quiete sisti; contra hic nihil periculosius & exitiosius est quam nimius motus, qui sæpissime malum recrudescere facit. Quoad excreta & retenta Alvus quotidie respondeat & lubrica sit, sin minus talis, is medicamento leniente vel clystere proriterur & sui officii admoneatur. Sic & aliæ evacuationes per menses, lochiaque fieri consuetæ, cursum suum consuetum ut obtineant, allaborandum. Animi denique Pathemata valentiora, ut Iram, excandescētiām, nimium gaudium, effusum

risum, studia immodica, aliosque animi motus, quantum possibile est, hic evitare, penitus ex esse, vel ad restitutionis tempus valere jubemus; multum enim, ut DOLÆVS *Encyclop. l. 3. c. 10.* ait. per hæc optata horum morborum curatio impeditur.

§. LXI. In COECIS HÆMORRHOIDIBVS VICTVS RATIO sit contraria ei, quam dedimus in fluentibus. Cibi enim attenuandi, incidendi, aperiendi, humectandi & laxandi vim habeant, carnes sint elixæ potius quam assatæ, & multum aromatibus conditæ, sint vitulorum, agnorum, pullorum gallinaceorum, gallinarum, pipionum, perdicum &c. Panis sit mediæ ætatis, nec recens nimis, nec nimis inveteratus ac induratus. Caveat sibi æger à dulcibus, à caseo veteri, à leguminibus crassiss & difficilis coctionis, à salsis item & fumo induratis, aliisque quæ crassum, terrestrem, fæculentum viscidumque generare solent sanguinem. Pro Potu concedi potest vinum *δαιγρόρορον*, & si nulla intemperies calida in corpore sit, etiam generosum; hoc enim ut testatur TILEMANNVS *in libell. Aphorism. Hipp. p. 140.* cœcæ sæpe aperiuntur Hæmorrhoides. Somnus nimis, præcipue ubi humores pituitosi & crudi in corpore sunt, vitetur. contra vero magis vigiliis deditus esto. Sic & quietem nimiam fugias, contra labores, varios motus, ac exercitationes corporis magis amplectaris, quo humores in continuo motu sint, faciliusq; ad exitum disponantur, Excreta ac retenta, secundum naturam uti esse debent sint constituta, sin minus talia, qualia esse deberent, arte sunt procuranda. Quoad Animi denique Pathemata, Metum inprimis, mœrorem & luctum diuturnū ac tristitiam cane angueq; pejus fugias, intermittas quoque studia graviora, profundiores item cogitationes, curas insuper & sollicitudines. Contra animus semper sit hilaris, lætus gaudioque perfusus. Balnea tandem, vestes, integumenta, inunctiones, aliaque ita moderanda, ut rectè applicata & causæ morbificæ & Morbo ipso contraria sint, & agro nullam afferant noxam. Et hæc sunt, quæ de HÆMORRHOIDIBUS per ingenii mei tenuitatem in hanc chartam conjicere licuit. Tu autem B.L. pro candore & humanitate, quâ in me existis, ea, quæ minus accurate & solide scripta sunt, emendare, ac in meliorem partem, ut interpretari velis, est quod unice rogo. DEO interim T. O. M. pro suâ hæcenus in studiis nostris concessâ gratiâ, sit
LAUS, HONOR & GLORIA.